

左傳

卷十四至卷十五



僖公

諸暨圖書
ZHUJI LIBRARY



諸暨圖書館
— ZHUJI LIBRARY —

00036

2
诸暨图书馆
ZHUJI LIBRARY
海盐县图书馆
藏书

00030



諸暨圖書館
ZHUJI LIBRARY

2
諸暨圖書館
— ZHUJI LIBRARY —

春秋左傳註疏卷第十四

僖

十四

年盡

成

晉杜

氏

氏

唐孔穎達疏

經十有五年春王正月公如齊無傳諸侯五年再相

朝禮也例在文十五年

諸侯至五年，正義曰

禮也諸侯五年再相朝以修王命古之制也杜云十

一年曹伯來朝雖至此乃來亦五年也此十年公如

齊至此則六年非五年再朝之事杜引之者以去朝

歲亦五年故引證之劉炫云杜云禮者謂文十五年

傳為禮此

仍為禮也

楚人伐徐

春秋左

卷之十四

及古

三月公會齊侯宋公陳侯衛侯鄭伯許男曹伯盟于牡

丘

牡丘地名闕

牡茂后反

遂次于匡

匡

匡衛地在陳

雷長垣縣西南公孫敖帥師及諸侯之大夫救徐

公孫敖慶父之子諸侯既盟次匡皆遣大夫將兵救

徐故不復具列國別也

復扶又反

夏五月日有食之

秋七月齊師曹師伐厲

厲

厲楚與國義陽隨縣北有厲

鄉

八月螽

無傳為災

螽音終本亦作螻

九月公至自會無傳

季姬歸于鄆無傳來寧不書此書者以明中絕

丁仲

反又
如字

已卯晦震夷伯之廟夷伯魯大夫展氏之祖父夷諡

伯字震者雷電擊之大夫既卒書字

音晦
至書字

○正義曰公羊穀梁傳皆以晦為冥謂晝日闇冥也
杜以長歷推已卯晦九月三十日春秋值朔書朔值
晦書晦無義例也傳稱於是展氏有隱慝焉知此夷
伯展氏之祖父也大夫之諡多連字稱之不知夷伯
其名為何又不以今之展氏其人是誰故漫言祖父
耳諡法安人好靜曰夷是夷為諡也伯是其字也說
文云震霹靂振物者電陰陽激曜也然則震是霹靂
而言雷電擊之者霹靂有聲有光雷電之大者耳故

言雷電以明之玉藻云士於君所言大夫沒矣則稱諡若字是大夫既沒禮書其字也

冬宋人伐曹楚人敗徐于婁林 **國** 婁林徐地下邳僮縣

東南有婁亭 ○婁力侯反 邳滿悲反

十有一月壬戌晉侯及秦伯戰于韓獲晉侯 **國** 例得大

夫曰獲晉侯背施無親懷諫違卜故貶絕下從衆臣

之例而不言以歸不書敗績晉師不大崩 ○懷皮逼反 **國**

國 例得至大崩。正義曰諸侯與大夫因戰而被殺

者昭二十三年傳例君死曰滅大夫死曰獲其被囚

虜者大夫生死同名皆稱為獲國君生獲則曰以歸

蔡侯獻舞沈子嘉胡子豹之類皆是也今此晉侯生

獲故解之不書敗績晉侯之車

還濇而被執耳其師不大崩也

傳十五年春楚人伐徐徐即諸夏故也三月盟于牡

丘尋葵丘之盟且救徐也國葵丘盟在九年○夏戶雅反下

註同孟穆伯帥師及諸侯之師救徐諸侯次于匡以待

之○夏五月日有食之不書朔與日官失之也國夏五

月至失之○正義曰桓十七年已有例此重發者○沈氏云彼直不書日今朔日皆不書故重發之

秋伐厲以救徐也○晉侯之入也秦穆姬屬賈君焉

國晉侯入在九年穆姬申生姊秦穆夫人賈君晉獻

公次妃賈女也○屬音燭國晉侯至女也○正義曰莊

賈無子烝於齊姜生秦穆夫人及大子申生先言穆姬後言申生知是申生姊也言娶于賈則是正妃杜

言次妃者蓋於別有所見也晉世家云申生母齊桓女也同母女弟為秦穆夫人夷吾母重耳母女弟也按傳申生之母本是武公之妾武公末年齊桓始立不得為齊桓女也號射惠公之舅狐偃文公之舅二母不得為姊妹也且曰盡納羣公子羣公子晉武皆馬遷之妄也

獻之族宣三年傳曰驪姬之亂詛無畜羣公子莊據

反晉侯烝于賈君又不納羣公子是以穆姬怨之晉

侯許賂中大夫中大夫國內執政里平等承反

中大夫至平等。正義曰晉語稱夷吾謂秦公子

萬平鄭與我矣吾命之以負蔡之田七十萬此外猶應更有賂也既而皆背之賂秦

伯以河外列城五東盡號畧南及華山內及解梁城

既而不與 **圖** 河外河南也東盡虢畧從河南而東盡

虢界也解梁城今河東解縣也華山在弘農華陰縣

西南 **圖** 解音蟹註 **圖** 河外河至西南。正義曰河
及下註同 **圖** 自龍門而南至華陰而東晉在

西河之東南河之北以河非為內河南為外虢畧虢
之境界也獻公滅虢而有之今許以略秦列城五者

自華山而東盡虢之東界其間有五城也傳稱許君
焦瑕蓋是其二其餘三城不可知也列城猶列國言

其城之大者解梁城則在河 **圖** 晉饑秦輸之粟 **圖** 在十
非非此河外五城之數也

三年秦饑晉閉之糴 **圖** 在十四年故秦伯伐晉卜徒

父筮之吉 **圖** 徒父秦之掌龜卜者卜人而用筮不能

通三易之占故據其所見雜占而言之 **圖** 徒父至
圖 言之。正

義曰徒父以卜冠名知是掌龜卜者卜人當占而今
 用筮知其本非所掌不能通三易之占其卦遇蠱不
 引易文是據其所見雜占而言之劉炫云案成十六
 年筮卦遇復云南國蹇射其元王中厥目亦是雜占
 則筮法亦用雜占不必皆取易辭而云不能通三易
 之占者今刪定以為此云涉河侯車敗又云千乘二
 去獲其雄狐了無周易片意又云卜徒父筮之是卜
 人掌筮故杜云不能通三易而成十六年非卜人為
 筮且南國蹇雖非易辭還是周易之象不
 與此同劉君以彼難此而規杜過非也

敗詰之圖秦伯之軍涉河則晉侯車敗也秦伯不解

謂敗在已故詰之吉反詰起圖秦伯至詰之正義

三去謂晉侯之乘車三度敗壞而去三去之後而獲
 晉君也劉炫以為侯者五等總各國君大號以涉河
 侯車敗為秦伯車敗又云韓戰之前秦晉未有交兵
 何得言晉侯車有三敗以為秦伯車三敗也今刪定

知不然者以秦是伯爵晉實是侯爵既云侯車敗故知是晉侯車敗秦伯乍聞車敗謂敗在己不達其旨故致詰問也又以韓戰之前秦晉未有交兵何得言晉侯車有三敗者此謂車有敗壞非兵敗也劉君數生異見以對曰乃大吉也三敗必獲晉君其卦遇蠱規杜非也

三三

巽下艮上蠱

音古 巽下艮上蠱。正義曰艮剛巽柔剛上而柔

下巽順艮止既順而止無所爭競可以有事故曰蠱序卦曰蠱者事也

曰千乘三去三

去之餘獲其雄狐夫狐蠱必其君也 於周易利涉

大川往有事也亦秦勝晉之卦也今此所言蓋卜筮

書雜辭以狐蠱為君其義欲以喻晉惠公其象未聞

○乘繩證反去起居反又 於周至未聞。止義起據反一音起呂反下同 曰筮者若取周易則其

事可推此不引易意不可知故杜舍此傳文而以周易言之蠱卦彖云利涉大川往有事也秦晉隔河往而有事亦有秦勝晉之卦也今此所言不出於易蓋卜筮之書別有雜辭此雜辭不出周易無可據而推求故云其

蠱之貞風也其悔山也



內卦為貞外卦

為悔巽為風秦象艮為山晉象



內卦至晉象。正義曰筮之畫卦

從下而始故以下為內上為外此言貞風悔山知內為貞外為悔洪範論筮云曰貞曰悔是筮之二體有貞悔之名也貞正也筮者先為下體而以上卦重之是內為正也乾之上九稱亢龍有悔從下而上物極則悔是外為悔也凡筮者先為其內後為其外內卦為己身外卦為他人故巽為秦象艮為晉象

云秋矣我落其實而取其材所以克也



則九月夏

之七月孟秋也艮為山山有木今歲已秋風吹落山

木之實則材為人所取實落材亡不敗何待三敗及

韓音晉侯車三壞音晉侯車三壞音正義曰謂晉

謂晉侯親乘之車也杜言晉侯車壞者成上侯車敗

之文故也且晉之車總屬晉侯亦得云晉侯車也劉

炫云此一句是史家序事充卜人之語言音晉侯謂慶

鄭曰寇深矣若之何對曰君實深之可若何公曰不

孫卜右慶鄭吉弗使音惡其不孫不以為車右此夷

吾之多忌音孫音遜註音步揚御戎家僕徒為右音步

揚卻犢之父乘小駟鄭入也音鄭所獻馬名小駟音

士音慶鄭曰古者大事必乘其產生其水土而知其人

心安其教訓而服習其道唯所納之無不如志今乘

異產以從戎事及懼而變將與人易變變化人意亂

氣狡憤陰血周作張脉憤興外彊中乾狡狡戾也憤

動也氣狡憤於外則血脉必周身而作隨氣張動外

雖有彊形而內實乾竭○狡古卯反憤扶粉反張中

亮反註同脉音麥憤方問反亂氣至中乾○正義曰言馬之亂氣狡戾而憤滿

竭外為陽內為陰血在膚內故稱陰血血既動作脉

必張起故言張脉也氣憤於外內必乾燥內血為力

故內潤則彊內乾則弱言乾竭者竭盡也內乾則力盡進退不可周旋不能君

必悔之邦聽九月晉侯逆秦師使韓簡視師韓簡

晉大夫韓萬之孫復曰師少於我鬪士倍我公曰何

故對曰出因其資謂奔梁求秦入用其寵為秦

所納饑食其粟三施而無報是以來也今又擊之我

怠秦奮倍猶未也公曰一夫不可狃况國乎狃快

也言辟秦則使快來施式氏反年未註同狃女九反快時世反又時設反遂

使請戰曰寡人不佞能合其眾而不能離也君若不

還無所逃命秦伯使公孫枝對曰君之未入寡人懼

之入而未定列猶吾憂也列位也苟列定矣敢不

承命韓簡退曰吾幸而得囚得囚謂幸言必敗王

戌戰于韓原義曰以經書十一月九月十三日○正

壬戌恐與經壬戌相亂故顯言之下註云十一月壬戌十四日是也晉戎馬還濇而止

濇 濇泥也還便旋也小駟不調故隋泥中○濇乃定

反公號慶鄭慶鄭曰復諫違卜○號戶刀復矣也反王戶報

反固敗是求又何逃焉遂去之梁由靡御韓簡號射

為右輅秦伯將止之輅迎也止獲也輅○輅五鄭以

救公誤之遂失秦伯秦獲晉侯以歸經書十一月

壬戌十四日經從赴晉大夫反首拔舍從之反首

亂頭髮下垂也拔草舍止壞形毀服○拔滿末秦伯

使辭焉曰二三子何其感也寡人之從君而西也亦

晉之妖夢是踐豈敢以至國狐突不寐而與神言故

謂之妖夢申生言帝許罰有罪今將晉君而西以厭

息此語踐厭也

○厭於冉反一音於甲反又於輒反下同

晉大夫三拜稽

首曰君履后土而戴皇天皇天后土實聞君之言羣

臣敢在下風穆姬聞晉侯將至以天子幣弘與女簡

璧登臺而履薪焉國

○瑩康公名弘其母弟也簡璧瑩

弘姊妹古之宮閉者皆居之臺以抗絕之穆姬欲自

罪故登臺而荐之以薪左右上下者皆履柴乃得通

知其然二十二年傳曰寡君之使婢子侍執巾櫛杜
云婢子婦人之卑稱若此有婢子不當舍此而往彼
也又此註云且告夫人將以恥辱自殺若有此辭不
煩彼註服虔解誼其文甚煩傳本若有此文服虔必
應多解何由四十餘字不解一言亦至二十
二年始解婢子明是本無之也今定本亦無

曰上天

降災使我兩君匪以至帛相見而以興戎若晉君朝
以入則婢子夕以死夕以入則朝以死唯君裁之乃

舍諸靈臺

註

在京兆鄠縣周之故臺亦所以杜絕令

不得通外內自曰上天降災此凡四十七字檢古本

皆無是杜註亦不得有有是後人加也

音戶

大夫請

以入公曰獲晉侯以厚歸也既而喪歸焉用之

註

若

將晉侯入則夫人或自殺

○焉於 虔反

大夫其何有焉

註

何有猶何得且晉人感憂以重我

註

謂反首拔舍天

地以要我不圖晉憂重其怒也我食吾言背天地也

註

食消也

○要於遙反重直川反下同

重怒難任背天不祥必歸

晉君

註

任當也

○任音子 註及下同公子繁曰不如殺之無聚

慝焉

註

公子繁秦大夫恐夷吾歸復相聚為惡

○繫張執

反又丁立反慝他得反後同復扶又反

子桑曰歸之而質其大子必得

大成晉未可滅而殺其君祇以成惡

註

祇適也

下註質秦同祇音支

且史佚有言曰無始禍

註

史佚周武王時

太史名佚

○佚音逸
大音泰

無怙亂

○恃人亂為已利

○怙音戶

無重怒重怒難任陵人不祥乃許晉平晉侯使卻乞

告瑕呂飴甥且召之○卻乞晉大夫也瑕呂飴甥即

呂甥也蓋姓瑕呂名飴甥字子金晉侯聞秦將許之

平故告呂甥召使迎已○館音怡子金教之言曰朝國人

而以君命賞○恐國人不從故先賞之於朝且告之

曰孤雖歸辱社稷矣其卜貳圉也○貳代也圉惠公

太子懷公衆皆哭○哀君不還國晉於是乎作爰田

○分公田之稅應入公者爰之於所賞之衆○爰于元反

疏作爰田。正義曰：服虔、孔晁皆云：爰，易也。賞眾以田，易其疆畔。杜言：爰之於所賞之眾，則亦以爰為

易謂舊入公者，乃改易與所賞之眾。呂甥曰：君亡之不恤，而羣臣是憂

惠之至也。將若君何？眾曰：何為而可？對曰：征繕以輔

孺子。**註**征賦也。繕治也。孺子，太子圉。○孺如諸侯聞

之喪，君有君羣臣輯睦，甲兵益多。好我者勸，惡我者

懼，庶有益乎？眾說晉於是乎作州兵。**註**五黨為州，州

二千五百家也。因此又使州長各繕甲兵。○喪息浪

音集又七人反，好呼報反，惡烏路。**註**作州兵。正義曰：周禮，卿大夫

以歲時登其夫家之眾，寡辯其可任者。州長則否。初，今以州長管人，既少督祭，易精，故使州長治之。

晉獻公筮嫁伯姬於秦遇歸妹三三三兌下震上歸

妹之睽三三三兌下離上睽歸妹上六變而為睽

苦圭反遇歸妹之睽。正義曰兌下震上為歸妹

徐音圭震為長男兌為少女兌說也震動也少陰

而承長陽說以動是歸妹之象婦人謂嫁為歸故名

此卦為歸妹兌下離上為睽兌為澤離為火火動而

上澤動而下乖離之象故名此卦為睽睽乖也

史蘇占之曰不吉史蘇晉

卜筮之史史蘇至之史。正義曰易歸妹上六

此引彼文而以血為益實為貺唯倒其句改兩字而

加二亦耳其意亦不異也二句以外皆史蘇自衍卦

意而為之辭非易文也易之爻辭亦名為繇故云其

繇曰剋刺也貺賜也刺所以求血上剋羊亦無血筐

所以承賜女承筐亦無賜皆所求無獲是不吉之象

西方鄰國有責讓之言不可報償也嫁妹者欲其與

春火流

卷之四十一

史蘇晉

夫和親而其爻變為睽歸妹之值睽爻既嫁而更乖張猶如無助者也言夫不助妻故乖離也震變為離離還變為震震為雷離為火震變為離是雷變為火以其為雷為火此羸敗姬言秦將敗晉也震為車上六爻在震體則無其應是為車則脫其輓離為火上九爻在離體則失其位是為火則焚其旗車敗旗焚是不利於行師若其行師敗於宗族之丘邑也以其變為睽卦復就睽卦求之睽卦則上九孤絕失位是乖離而孤獨也孤獨無助遇寇難則張之弧孤弓也遇寇張弓怖懼警備亦是不吉之象姪其從姑言兄子其當從至姑家與同處也在姑家六年其將連亡逃歸其本國而棄遺其家室言將棄妻而獨歸也歸家之明年其將死於高梁之虛其繇曰士刳羊亦無筮嫁女而得此卦是不占之象

盍也女承筐亦無貺也



周易歸妹上六爻辭也盍

血也貺賜也刳羊士之功承筐女之職上六無應所

求不獲故下卦無血上承無實不占之象也離為中

女震為長男故稱士女

也。繇直救反。割苦圭反。刺割也。音荒。筐曲方反。貺音況。

本亦作況。應對之應。下無應同。中丁仲反。



周易至士女。正義曰：易之爻辭無二亦字。傳文

加之言男亦猶女。女亦猶男。其意同也。易言血而此言益知益是血也。貺賜釋詁文。卦刺也。廚宰男子之

事。故卦羊士之功也。筐篚婦人所掌。故承篚女之職也。上爻與二其位相值。一陰一陽乃為相應。上三俱

是陰。爻是為無應動而無人應之。所求無獲。故下刺無血。上承無實是不吉之象。上爻變則是震為離。離

為中女。故稱女承篚。震為長男。男稱士。故為士。卦羊王弼以兌為羊。羊謂三也。上六處卦之窮。仰無所承

下文無應為女。而上承則虛篚而莫之與。為士而下命則割羊而無血。不應所命也。言士發命而莫之應

女承篚而莫之與。是不吉之象。服虔以離為戈兵。兌為羊。震變為離。是用兵刺羊之象也。三至五有坎象

坎為血血在羊上故刺無血也震為竹竹為筐震變為離離為火火動而上其施不下故筐無實也此士判羊女承筐是歸妹上六爻辭直據上六之一爻故杜云上六無應所求不獲故下卦無血上承無實與王輔嗣同則不須變為離卦自有士女之義今杜云離為中女便是據變之後如有女承筐之象既為離卦則上九有應所以與易說卦不同者但易之所論當卦為義此既用筮法震變為離故以離震雜說其理與易不同故服虔亦稱離為戈兵用變為說也

嫁女於西而遇不吉之卦故知有責讓之言不可報

償。責側介反又如字。○**說**將嫁至報償。正義曰

則知言不可償不知其象何所出也服虔以為三至五為坎坎為月月生西方故為西鄰坎為水兌為澤澤聚水故坎責之澤澤償水則竭故責言不歸妹之可償此取象甚迂杜言虛而不經謂此類也

睽猶無相也。歸妹女嫁之卦睽乖離之象故曰無

相相助也。

○相息亮反註同

歸妹至助也。正義曰杜意嫁女而遇睽離之爻即是

無相助也不知其象所出服虔云兌為金離為火金火相遇而相害故無助也。震之離亦離

之震。

二卦變而氣相通。

二卦至相通。正義曰為震與離通也。震既

與離通則離亦與震通言此二卦相通者與下張本

震為雷雷是動離為火震之離是動來適火離之震

是火往適動欲明為雷為火為羸敗姬。羸秦姓姬

晉姓震為雷離為火火動熾而害其母女嫁反害其

家之象故曰為羸敗姬。

○羸音盈。羸秦至敗姬。正義曰震為雷離為火

說卦文服虔云離為日為火秦羸姓水車說其輓火

焚其旗不利行師敗于宗丘圖輓車下縛也丘猶邑

也震為車離為火上六爻在震則無應故車脫輓在

離則失位故火焚旗言皆失車火之用也車敗旗焚

故不利行師火還害母故敗不出國近在宗邑吐活說

反註同輓音福又音服案車旁著畱音福老子所云

三十輻共一轂是也車旁著復音服是車下伏兔縛

如字又圖輓車至宗邑。正義曰子夏易傳云輓

扶臥反圖車下伏兔也今人謂之車屐形如伏兔以

繩縛於軸因名縛也土之高者曰丘眾之所聚為邑

故丘猶邑也晉語震為車也說卦離為火上爻在震

則無應故車脫輓三亦陰爻是無應也在離則失位

故火焚其旗初三五奇為陽位二四上偶為陰位在

離則變為陽而居陰位是失位也師行必乘車而建

旗車敗旗焚故不利行師也火還害母故敗不出國

近在宗邑也服虔云五至三有坎為水象震為車車
得水而脫其輓也震為龍龍為諸侯旗離之震故火
焚其旗也震東方木兌西方金木遇
金必敗韓有先君之宗廟故曰宗丘歸妹睽孤寇張
之弧

孤絕故遇寇難而有弓矢之警皆不吉之象
○難乃且反警

音景孤見豕負塗載鬼一車兌張之弧後脫之弧匪
寇婚媾往遇雨則吉彼文甚多此畧取之先張之弧

謂見寇而張弓故曰遇寇難而有弓矢之警皆不吉
之象服虔云坎為寇

為弓故曰寇張之弧姪其從姑震為木離為火火

從木生離為震妹於火為姑謂我姪者我謂之姑謂

子圉質秦
○姪待結反
字林丈一反
釋親云父之姊妹為姑女

子謂舅弟之子為姪是為我姪者我謂之姑

六年其逋逃歸其國而棄其

家

逋亡也家謂子圍婦懷嬴

○逋補吾反

懷

○逋亡至

義曰桓十八年傳曰女有家男有室室家通言耳夫請妻為家葉其家謂棄其妻故為懷嬴也子圍以十七年質于秦二十三年逃歸是六年乃逋也

明年其死于高粱之虛○惠公死之明年文公入殺懷公于高粱高粱晉地在平

陽楊氏縣西南凡筮者用周易則其象可推非此而

往則臨時占者或取於象或取於氣或取於時日王

相以成其占若盡附會以爻象則構虛而不經故畧

言其歸趣他皆倣此

○虛去魚反王于況反相息亮反構木又作講各依字讀

疏

困惠公至做此。正義曰：困以二十二年歸二十三年惠公死二十四年二月殺懷公于高梁是為惠公死之明年也。此筮之意言六年通明年死則是逃歸之明年而云惠公死之明年者以二月即死據夏正言之猶是逃歸之明年也。但周正已改故以惠公證之耳。春秋筮事既多此占最少其象故杜因而明之云用周易則其象可推非周易則不可得知本意所取不在周易者盡皆附會爻象以求其事則象非其類事非其實今構虛而不經故畧言歸趣而已不能盡得其象也。陰陽書以為春則為木王火相七死金囚水休時日及惠公在秦曰先君若從史蘇之占吾王相謂此也。不及此夫韓簡侍曰龜象也筮數也物生而後有象象而後有滋滋而後有數先君之敗德及可數乎史蘇是占勿從何益。**困**言龜以象示筮以數告象數相

因而生然後有占占所以知吉凶不能變吉凶故先

君敗德非筮數所生雖復不從史蘇不能益禍音扶夫

先君之敗德及絕句可數乎一讀韓簡至何益。

及可數乎數色主反復扶又反正義曰卜以用

龜灼以出兆是龜以金木水火土之象而告人筮之

用著揲以為卦是筮以陰陽著策之數而告人也凡

是動植飛走之物物既生訖而後有其形象既為形

象而後滋多滋多而後始有頭數其意言龜以象而

示人筮以數而告人惠公之意以先君若從史蘇之

占不嫁伯姬於秦已便不及此禍尤先君不從卜筮

也韓簡之意以為惠公及禍自由先君獻公廢嫡立

庶之敗德不由卜筮故云先君之敗德既定致公今

及此禍可由筮數始生之乎敗德有其象數筮龜從

後而知因嫁女於秦見於著兆故云史蘇是占縱使

當時不從何能加益此禍明禍敗既定龜筮知之從

之不能損不從不能益也。言龜至益禍。正義

口謂象生而後有數是數因象而生也若易之卦象則因數而生故先揲蓍而後得卦是象從數生也上云龜象筮數下直言數不言象者上總論卜筮故龜筮並言當時唯筮伯姬故下直舉數耳

詩曰

下民之孽匪降自天傳沓背憎職競由人

詩小雅

言民之有邪惡非天所降傳沓面語背相憎疾皆人

競所主作因以諷諫惠公有以召此禍也

○孽魚列反傳尊本

反沓徒合反邪似差反諷方風反

詩曰至由人

○正義曰詩小雅十月之交篇也下民之有邪惡

妖孽非是下自上天今小人傳傳沓相對譚語背則相憎主於競逐為惡者由人耳因以諷諫惠公言

善惡由公耳 ○震夷伯之廟罪之也於是展氏有隱慝焉

隱惡非法所得尊貴罪所不加是以聖人因天地

之變自然之妖以感動之知達之主則識先聖之情

以自厲中下之主亦信妖祥以不妄神道助教惟此

為深

音智。知音智。隱惡至為深。正義曰：隱訓惡也。隱

人尊貴非刑罰所能加也。忽有震被其廟，乃是幽冥

加罪，聖人因天地之變，自然之妖，故章其事以感動

穢行之人，使自懲肅也。知達之主則識先聖之情，知

此欲以懼愚人也。中下之主亦信此妖祥之事，謂身

為惡行，神必加禍，以此不妄動，作易稱聖人以神道

設教，故云神道助教。唯此事為深，因此遂沆解春秋

諸有妖祥之事，皆為此也。○冬，宋人伐曹，討舊怨也。

國莊十四年

曹與諸侯伐宋。○楚敗徐于婁林，徐恃救也。

國恃齊

救。○十月，晉陰飴甥會秦伯盟于王城。

國陰飴甥即

呂甥也食采於陰故曰陰飴甥王城秦地馮翊臨晉

縣東有王城今名武鄉秦伯曰晉國和乎對曰不和

小人恥失其君而悼喪其親國痛其親爲秦所殺不

憚征繕以立圉也曰必報讎寧事戎狄君子愛其君

而知其罪不憚征繕以待秦命曰必報德有死無二

以此不和秦伯曰國謂君何對曰小人感謂之不免

君子恕以爲必歸小人曰我毒秦秦豈歸君國毒謂

三施不報憚反憚徒○君子曰我知罪矣秦必歸君貳而

執之服而舍之德莫厚焉刑莫威焉服者懷德貳者

畏刑此一役也言還惠公使諸侯威服復可當一

事之功舍字又反音捨還音環言還至之功正義曰服

不然者呂甥之言勸秦伯而納晉侯假稱君子之意

若納晉君可以更當一役之功欲深勸秦伯若直論

韓戰之役於秦未有深利何肯納也故杜別為秦可

其說劉炫以服義規之雖於理亦通未為殊絕秦可

以霸納而不定廢而不立以德為怨秦不其然秦伯

曰是吾心也改館晉侯饋七牢焉牛羊豕各一為

一牢饋其位反蛾析謂慶鄭曰盍行乎蛾析晉大夫

也蛾魚綺反或作蟻一音五和反對曰陷君於敗

析星曆反本或作替盍戶臘反謂呼不往誤晉師失秦伯敗而不死又使失刑非

人臣也臣而不臣行將焉入十一月晉侯歸丁丑殺

慶鄭而後入

國

下丑月二十九日

○焉於
虔反

是歲晉又

饑秦伯又餽之粟曰吾怨其君而矜其民且吾聞唐

叔之封也箕子曰其後必大晉其庸可冀乎

國

唐叔

晉始封之君武王之子箕子殷王帝乙之子紂之庶

兄

○餽許
氣反

國

唐叔至庶兄○正義曰唐叔晉始封
之君晉世家文也宋世家云箕子者紂

親戚也止云親戚不知為父也兄也鄭玄王肅皆以

箕子為紂之諸父服杜以為紂之庶兄既無正文各

以其意言耳歷檢諸書不見箕子之名唯司
馬彪註莊子云胥餘箕子各不知其然否

焉以待能者於是秦始征晉河東置官司焉

國

征賦

也

經十有六年春王正月戊申朔隕石于宋五圖隕落也

聞其隕視之石數之五各隨其聞見先後而記之莊

七年星隕如雨見星之隕而墜於四遠若山若水不

見在地之驗此則見在地之驗而不見始隕之星史

各據事而書

○隕于敏反數色主反隊直類反

正義曰隕落至而書

文公羊傳曰曷為先言實而後言石實石記聞聞其
碩然視之則石察之則五是隨聞見先後而記之也
傳稱隕星也則石亦是星而與星隕文倒故解之彼
見星之隕不見在地之驗此見在地之石不見始隕
之星史各據事而書故文異也三十三年書隕霜者
亦見在地之霜不見在天之驗故霜上言隕與此同

也星石霜言隕雪雹螽言雨者其狀
似雨者稱雨不似雨者即稱隕也
是月六鷓退飛

過宋都是月隕石之月重言是月嫌同日鷓水鳥

高飛遇風而退宋人以為災告於諸侯故書是月

是日鷓五歷反本或作鷓音同六其是月至故

數也過古禾反重直用反傳註同書正義曰

月令諸言是月皆是前事之月知此是隕石之月也

石隕鷓退俱是宋事事相類而同時告故重言是月

嫌同日也告者不以鷓退之日告故言是月以異之

鷓水鳥者相傳為然春秋考異邠云鷓者毛羽之蟲

生陰而屬於陽洪範五行傳曰鷓者陽禽鷓字或作

鷓廣志云鷓古退飛者今以其首為船頭莊子云鷓

之相視眸子不運而風化博物志云雄雌相視則孕

或曰雄鳴上風雌承下風則亦孕是也鳥飛不能自

退傳言風也是鳥高飛遇風而退却也公羊傳曰視

之則六察之則鷓徐而察之則退飛是亦隨見先後

而書之魯史而記宋事知其
宋人以爲災告於諸侯故書

三月壬申公子季友卒無傳稱字者貴之公與小斂

故書曰與音預斂力驗反公稱字至書以

友是其名猶如仲遂叔胙之類皆名字雙舉劉炫以
季爲氏而規杜過非也炫云季友仲遂皆生賜族非

字也

夏四月丙申鄆季姬卒無傳鄆似

秋七月甲子公孫茲卒無傳

冬十有二月公會齊侯宋公陳侯衛侯鄭伯許男邢侯

曹伯于淮臨淮郡左右邢音刑臨淮郡左右正義曰

淮水發源入海其路甚長會于淮者必是會于水旁
不得會于水內杜欲指其處無以可明故云臨淮郡

左

傳十六年春隕石于宋五隕星也但言星則嫌星

使石隕故重言隕星

但言至隕星。正義曰下云風也是風使鷓退此若直

言星也則嫌是星使石隕故重言隕星以明所隕之石即是星也易稱在天成象在地成形則星之在上其形不可知也古今之說星隕至地皆言為石經書在地之驗故言隕石傳本在天之時故言隕星不知星之在上其形本是石也為當既隕始變為石聖賢不說難得而知

風也

六鷓遇迅風而退飛風高不為物害故不記

六鷓遇迅風而退飛風高不為物害故不記

風之異

音峻疾也

周內史叔與聘于宋宋襄公問

焉曰是何祥也吉凶焉在○祥吉凶之先見者襄公

以為石隕鷁退能為禍福之始故問其所在○焉於○焉於

賢徧反○興必有禎祥國家將亡必有妖孽則事之

先見善惡異名吉之先見謂之祥凶之先見謂之妖

此總云祥者彼對文耳書序云亳有祥桑穀共生于

朝五行傳云青祥白祥之類惡事亦稱為祥祥是總

名公問是何祥也吉凶焉在故杜并以吉凶解之言

吉凶先見皆為祥也襄公以為石隕鷁退能為對曰

禍福之始故問其所在蓋當慮其在已故問之

今茲魯多大喪○今茲此歲明年齊有亂君將得諸

侯而不終○魯喪齊亂宋襄公不終別以政刑吉凶

他占知之○止言其事不說知之所由或觀政教刑

法或他事別有占驗故云別以政刑他占知之言知之不由石鷓也劉炫云政者若周大夫入陳竟見官職不修君臣南冠如夏氏知簡夷將亂子貢見公執玉卑知其替死也刑者若夷吾忌克多怨君子知其不終也吉凶有二陰陽調序四海玉燭時吉也陰陽錯逆寒暑失度民多癘疫五穀不登時凶也父慈子孝君義臣忠人吉也父不父子退而告人曰君失問不子君不君臣不臣人凶也

是陰陽之事非吉凶所生也
詞言石隕鷓退陰陽錯

逆所為非人所生襄公不知陰陽而問人事故曰君失問叔興自以對非其實恐為有識所譏故退而告

人
○錯七
詞言石至告人
○正義曰劉炫云言是

序則物皆得性必無妖異故云陰陽錯逆所為非人吉凶所生也傳稱天反時為災地反物為妖人反德

為亂亂則妖災生洪範咎徵曰狂悞雨若之類皆言
 人有愆失乃致陰陽錯逆而云陰陽錯逆非人所生
 者石隕鷓飛事由陰陽錯逆陰陽錯逆乃是人行所
 致襄公不問已行何失致有此異乃謂既有此異將
 來始有吉凶故答云是乃陰陽之事非將來吉凶所
 生言將來若有吉凶協此石鷓之異耳非始從石鷓
 而出也襄公不知陰陽錯逆為既往之咎乃謂將來
 吉凶出石鷓之間是不知陰陽而空問人事故云君
 失問也叔輿若以實對當云由君愆失致有此異今
 乃別以政刑他占橫說齊亂魯喪自以對非其實恐
 為有識所譏故退而告人以此言也服虔云鷓退風
 咎君行所致非吉凶所從生襄公不問已行何失而
 致此變但問吉凶焉在以為石隕鷓退吉凶所從而
 生故云君失問是劉炫用服義為說也今刪定以杜
 注云石鷓陰陽錯逆所為非人所生則陰陽錯逆自
 然有此非由人事之失致此錯逆又吉凶不由石鷓
 所生故傳云是陰陽之事非吉凶所生是吉凶不由
 石鷓石鷓所生不由於人則吉凶之來別由人行得

失耳故釋例云或異而無感或感而不可知如此之類是也其傳云亂則妖災生洪範曰狂悖而若此皆假之陰陽以為勸戒神道助教非實辭也但聖賢之說未知孰是故兩載其義以俟後賢

人吾不敢逆君故也
䷗積善餘慶積惡餘殃故曰吉

凶由人君問吉凶不敢逆之故假他占以對
○殃於良反

䷗積善至以對。正義曰積善餘慶積惡餘殃易文言文也言將來吉凶由人行所致行善則有吉

行惡則有凶吉凶自由於君不從石鵠而出吾不敢逆君之心故假他占以對之
○夏齊伐

厲不克救徐而還
䷗十五年齊伐厲以救徐
○秋狄

侵晉取狐廚受鐸涉汾及昆都因晉敗也
䷗狐廚受

鐸昆都晉三邑平陽臨汾縣西北有狐谷亭汾水出

大原南入河

○狐音胡廚面誅反鐸徒各
反汾扶云反水各大原音秦

○正義曰汾水從平陽南流折而西入于河臨汾縣
在汾水北狐谷疑是狐廚乃在縣之西北則狐廚受

鐸皆在汾北狄自北而侵南涉
汾水至于昆都昆都在汾南也 ○王以戎難告于齊

齊徵諸侯而戍周

室難 ○難乃旦
反註同 ○冬十一月乙卯鄭殺子華

仲之言事在七年 ○十二月會于淮謀郟且東畧也

郟 ○為干
偽反 郟為淮夷所病故 城郟役人病有夜登丘

而呼曰齊有亂不果城而還 役人遇厲氣不堪久

駐故作妖言 ○呼火故
反還音旋

經十有七年春齊人徐人伐英氏

○英於京反

夏滅項

註

項國今汝陰項縣公在會別遣師滅項不言

師諱之

○項胡講反國名魯滅之也二傳以為齊滅

註

項國至諱之。正義曰知非師少

不言師而言諱之者沈云襄十三年傳云用大師焉曰滅此既稱滅故知用大師劉炫云案傳齊人以為討討其滅國非討用師既不諱滅何以諱師炫謂將卑師少稱人不可自言魯人故不稱師炫不達此旨以為將卑師少以規杜過非也

秋夫人姜氏會齊侯于卞

註

卞今魯國卞縣

○卞皮彥反

註

夫人至于卞。正義曰婦人送迎不出門見兄弟不踰闕今出會齊侯無譏文者凡夫人之行得禮失禮直書其事善惡自明故於文悉無褒貶此時公為齊人所止夫人會以釋之縱使違禮不合貶責

九月公至自會註公既見執于齊猶以會致者諱之

冬十有二月乙亥齊侯小白卒註與僖公八同盟赴以

名註與僖至以名註正義曰元年盟于犂三年公

于洮九年于葵丘十五年于首止七年于甯母八年

召陵諸侯皆在公亦與焉故為八也同盟相赴以名

主謂當時兩君但與其父盟亦得以名赴註其子耳與僖盟既多故不復通數莊閔也

傳十七年春齊人為徐伐英氏以報婁林之役也註

英氏楚與國婁林役在十五年註為于註夏晉天子

圍為質於秦秦歸河東而妻之註秦征河東置官司

在十五年註圍魚呂反質音致註惠公之在梁也梁伯

註下同妻七許反下同

妻之梁嬴孕過期過十月不產懷子曰孕 ○嬴音盈下同

孕以證反過十至曰孕 ○正義曰十月而產婦過古禾反 人大期又家語云人十月而生故知過

期過十月也易稱婦孕不育說文云孕懷子也 卜招父與其子卜之卜招

父梁大卜○招上遙反大音泰 其子曰將生一男一女招曰然

男為人臣女為人妾故名男曰圉女曰妾○圉養馬

者不聘曰妾○圉養至曰妾 ○正義曰昭七年傳曰馬有圉牛有牧內則云聘則為妻

奔則為妾是也 及子圉西質妾為宦女焉○宦事秦為妾 ○宦

音患 ○師滅項○師魯師淮之會公有諸侯之事未歸

而取項○淮會在前年冬諸侯之事會同講禮之事

齊人以為討而止公內諱執皆言止○秋聲姜以

公故會齊侯于卞聲姜僖公夫人齊女九月公至

書曰至自會猶有諸侯之事焉且諱之也恥見執

故託會以告廟猶有至諱之也。正義曰實無諸侯之事而言至自會者尚似有諸

侯之事焉○齊侯之夫人三王姬徐嬴蔡姬皆無子齊侯

好內多內寵內嬖如夫人者六人長衛姬生武孟

武孟公子無虧好呼報反嬖必計少衛姬生惠公

公子元少計鄭姬生孝公公子昭葛嬴生昭

公子潘潘判密姬生懿公公子商人宋華

子生公子雍國華氏之女子姓○華戶公與管仲屬

孝公於宋襄公以為太子雍巫有寵於衛其姬因寺

人貂以薦羞於公國雍巫雍人名巫即易牙○屬音

恭本亦作恭貂音彫易音亦國雍巫至易牙○正義曰周禮掌

名巫而字亦有寵公許之立武孟國易牙既有寵於

公為長衛姬請立武孟偽為于管仲卒五公子皆求

立冬十月乙亥齊桓公卒國乙亥十月八日易牙入

與寺人貂因內寵以殺羣吏國內寵內官之有權寵

者而立公子無虧孝公奔宋十二月乙亥赴辛巳夜

殯

六十七日乃殯

殯必刃反

經十有八年春王正月宋公曹伯衛人邾人伐齊納

孝公

夏師救齊

無傳

五月戊寅宋師及齊師戰于贏齊師敗績

無虧既死

曹衛邾先去魯亦罷歸故宋師獨與齊戰不稱宋公

不親戰也大崩曰敗績贏齊地

贏魚免反又魚偃反又音言一音彥

狄救齊

無傳救四公子之徒

秋八月丁亥葬齊桓公

十一月而葬亂故八月無丁

亥日誤

冬邢人狄人伐衛

狄稱人者史異辭傳無義例

狄

稱主義例。正義曰決上狄救齊不稱人也於例將卑師眾稱師將卑師少稱人謂中夏諸侯之例此稱邢人是將卑師少者夷狄既無爵命非有君臣之別文多稱戎稱狄今君臣同文或單稱狄或稱狄人是時史異辭非褒貶也穀梁傳曰狄其稱人何也善累而後進之伐衛所以救齊也其意以為上已救齊今復伐衛救齊故進之稱人左氏無此義故為史異辭

傳十八年春宋襄公以諸侯伐齊三月齊人殺無虧

以說宋

說音悅又如字

鄭伯始朝于楚

中國無霸

故楚子賜之金既而悔之與之盟曰無以鑄兵楚

金利故鑄之樹反故以鑄三

鐘古者以銅為兵傳言楚無霸者遠畧○齊人將

立孝公不勝四公子之徒遂與宋人戰無虧已死

故曰四公子勝音升又升證反夏五月宋敗齊師于戲立孝

公而還○秋八月葬齊桓公孝公立而後得葬○

冬邢人狄人伐衛圍菟園衛侯以國讓父兄子弟及

朝衆曰苟能治之燬請從焉燬衛文公名徒圍布

衆不可不聽衛侯讓而從師于訾婁

陳師訾婁訾婁衛邑訾子斯反婁郎句反又郎鈞反狄師還

獨言狄還則邢畱距衛言邢所以終為衛所滅○梁

伯益其國而不能實也國多築城邑而無民以實之

命曰新里秦取之

經十有九年春王三月宋人執滕子嬰齊國稱人以執

宋以罪及民告例在成十五年傳例不以名為義書

名及不書名皆從赴○嬰於稱人至從赴○正

子下云邾人執鄫子二君於傳無不道之狀而皆稱

人以執是宋公欲重其罪以罪及民告故史從而書

之以示虛實釋例曰凡諸侯無加民之惡而稱人以

執皆時之赴告欲重其罪以加民為辭國史承之書

重二國之罪故以不道赴或名或不名從所告之文也傳具載子魚之辭以虐二國之君見義明非罪也杜言書名從赴者諸侯被執其罪與不罪直以執者稱人稱侯為異傳例不以書名為義釋例曰諸見執者已在罪賤之地書名與否非例所加故但言執某侯也其意言被執已是罪賤書名更無可加故不復以名為義既不以為義而被執者有名與不名知其皆從赴也

夏六月宋公曹人邾人盟于曹南

無傳曹雖與盟而

猶不服不肯致餼無地主之禮故不以國地而曰曹

南所以及秋而見圍

○與音預下亦與同餼許氣反圍○正義曰

哀十二年傳曰諸侯之會侯伯致禮地主歸餼桓十四年公會鄭伯于曹傳曰曹人致餼禮也春秋諸會於國都者即以國都名為會地地主不序於列此會地於曹南則在曹之都也在曹之都而曹人在列是

曹雖與盟而心猶不服秋宋人圍曹傳曰討不服也
以不服而被圍知此地以曹南卽是不服之狀明是
不肯致餼無地主之禮以此故不以國地而曰曹南
所以及秋而見圍以秋見圍知此時不服故註言之

鄆子會盟于邾國不及曹南之盟諸侯既罷鄆乃會

之於邾故不言如會國不及至如會○正義曰諸

未至於曹諸侯既罷以邾既盟訖故如邾會之本意

欲往會盟未至於曹諸侯已去其實至於邾國故書

會盟于邾言其意欲盟也二十八年踐土盟下云陳

侯如會彼謂往至會所此不至會所故書其所至而

不言如會襄七年鄆之會下鄭伯髡頑如會未見諸

侯丙戌卒于鄆亦不至會所而云如會者其意欲會

而在道身喪故亦書其所至義與此同但卒執事異

故文異耳鄆子不及曹南而至於邾國蓋宋公知其

在邾故使國稱人以執宋以

罪及民告也鄆雖失大國會盟之信然宋用之為罰
 已虐故直書用之言若用畜產也不書社赴不及也
 不書宋使邾而以邾自用為文南面之君善惡自專
 不得託之於他命○畜許
又反
昭十一年楚執蔡世
 子友用之與此執鄆子用之皆惡其無道直書用之
 言其若用畜牲所以惡楚宋也惡宋而以邾自用為
 文者南面之君善惡自專不得託之於他命事實惡宋
 亦所以惡邾也傳稱用之於社而經不書于社故云
 赴不及也劉炫規過云執蔡世子友用之不書岡山
 此何須云于社今刪定知不然者以莊二十五年鼓
 用牲于社今鄆子既同畜牲而用當云邾人用鄆子
 于社今不云于社故知赴不及則昭十一年執蔡世
 子友用之亦
 赴不及也

秋宋人圍曹衛人伐邢圖伐邢在圍曹前經書在後從

赴

冬會陳人蔡人楚人鄭人盟于齊圖地於齊齊亦與盟

圖地於齊齊亦與盟。正義曰地於齊者言即以齊為所盟之地也。傳稱陳穆公請修桓公之好而為此盟明是齊亦與盟地於齊而齊不序諸盟會以國都而地主不列於序者地主亦與盟會皆以此而

知之耳

梁亡圖以自亡為文非取者之罪所以惡梁○惡鳥路反圖

圖以自至惡梁。正義曰諸侯受命天子分地建國無相滅之理此以自亡為文不書所取之國以為梁

國自亡非復取者之罪所以深惡梁耳非言秦得滅

人國也釋例曰作事不時則怨讟動於民彼梁伯者

虛與無虞之功詐稱無害之寇遂溝其宮以盪百姓之心開大國之志是妖孽之先徵自亡之實應故不言秦滅梁而以自白為文

梁傳十九年春遂城而居之國承前年傳取新里故不

復言秦也為此冬梁亡傳又反復扶○宋人執滕宣公

○夏宋公使邾文公用鄆子于次睢之社欲以屬東

夷國睢水受汴東經陳畱梁譙沛彭城縣入泗此水

次有妖神東夷皆社祀之蓋殺人而用祭屬朱欲反○睢音雖

譙在消反沛音貝泗音四欲以屬東夷○正義曰屬訓

夷聚來歸已也齊桓以德屬諸侯諸侯聚歸齊桓○國睢水至用祭○正義曰釋例曰汴水自滎陽受河

則水受汴東經陳畱梁國譙郡沛國至彭城縣入泗
凡水首從水出謂之受流歸他水謂之入漢書之倒
爲然言汴從河出唯從汴出也次謂水旁也下云用
諸淫昏之鬼則此祀不在祀典故云此水次有妖神
妖神而謂之社傳言以屬東夷則此是東夷之神故
言東夷皆社祠之劉炫云按昭十年季平子伐莒獻
俘始用人於亳社彼亳社舊不用人杜何以知此社
殺人而用祭乎今知不然者彼傳云始用人於亳社
故知舊來不用此云使邾文公用鄆子于次雖之社
既不言始明知舊俗用之劉取彼而規杜過非也

司馬子魚曰古者六畜不相爲用
司馬子魚曰古者六畜不相爲用
司馬子魚曰古者六畜不相爲用

目夷也六畜不相爲用謂若祭馬先不用馬
目夷也六畜不相爲用謂若祭馬先不用馬
目夷也六畜不相爲用謂若祭馬先不用馬

同爲于僞反下爲人
同爲于僞反下爲人
同爲于僞反下爲人

同又如字註做此
同又如字註做此
同又如字註做此

六畜周禮謂之六牲養之曰畜用之曰牲其實一物
六畜周禮謂之六牲養之曰畜用之曰牲其實一物
六畜周禮謂之六牲養之曰畜用之曰牲其實一物

用彼註不云馬而以其餘當之明其俱為祭祀所用
 彼此同也周禮按人春祭馬祖鄭玄云馬祖天駟也
 孝經說曰房為龍馬六畜之言先祖者唯此一文而
 已以外牛羊之等其祖不知為何神也謂若祭馬先
 不用馬畧舉一隅據有文者言之耳沈氏云春秋說
 天苑主牛又有天雞天狗天豕以馬祖類之此等各
 有其祖 **小事不用大牲** 祀言豐廟用羊門夾室皆用
 雞隱十一年傳稱鄭伯之詛使卒出豶而況敢用人
 行出犬雞如此之類皆是以用大牲也

乎祭祀以為人也民神之主也用人其誰饗之齊桓
 公存三亡國以屬諸侯 三亡國魯衛邢 三亡國魯衛

邢。正義曰齊語云魯有夫人慶父之亂二君弑死
 國絕無嗣桓公使高子存之狄人攻邢桓公築夷儀
 以封之狄人攻衛衛人出廬于曹桓公城楚丘以封
 之是也衛則狄滅之矣魯邢不滅而言亡者美大齊

桓之功 義士猶曰薄德謂欲因亂取魯緩救邢衛今

一會而虐二國之君宋公三月以會召諸侯執滕

子六月而會盟其月二日執鄆子故云一會而

虐二國之君又用諸淫昏之鬼非周社故將以求

霸不亦難乎得死為幸恐其亡國○秋衛人伐邢

以報菟圃之役邢不速退所以獨見伐於是衛大

旱卜有事於山川不吉有事祭也甯莊子曰魯周

饑克殷而年豐今邢方無道諸侯無伯伯長也

丁丈反 天其或者欲使衛討邢乎從之師興而雨○宋

人圍曹討不服也。曹南盟不修地主之禮故子魚

言於宋公曰文王聞崇德亂而伐之軍三旬而不降

崇崇侯虎。降戶。退修教而復伐之因壘而降

復往攻之備不改前而崇自服。復扶又反註同

伐衍字也壘。詩曰刑于寡妻至于兄弟以御于家邦

詩大雅言文王之教自近及遠寡妻嫡妻謂大姒

也刑法也。御如字治也詩音五嫁反迎也嫡。今君

德無乃猶有所闕而以伐人若之何盍姑內省德乎

無闕而後動。盍胡。陳穆公請修好於諸侯以無

忘齊桓之德冬盟于齊修桓公之好也

註

宋襄暴虐

故思齊桓

○好呼報反下同

○梁亡不書其主自取之也

註

不書取梁者主名初梁伯好土功亟城而弗處民罷

而弗堪則曰某寇將至乃溝公宮

註溝壑

○亟欺莫反罷音皮

壑上曰秦將襲我民懼而潰秦遂取梁

○潰戶外反

經二十年春新作南門

註魯城南門也本名稷門僖公

更高大之今猶不與諸門同改名高門也言新以易

舊言作以興事皆更造之文也

註

魯城至文也○正義曰魯城南門

本名稷門今新作者新修彼稷門更令高大因改名高門此事非有所據魯人相傳云然今時魯人其言

猶如此也新者易舊之意作者與事之辭皆是更造
之文也劉賈先儒皆云言新有故在言作有新在故
為此言以異之釋例曰言新意所起言作以興事通
謂興起功役之事總而言之不復分別因舊與造新
也

夏郟子來朝

國

無傳郟姬姓國

郟古報反
字林工等反

國

郟姬

正義曰二十四年傳富辰所云郟之初封文王之子
聘季之弟以後更無所聞唯此年一見而已無時君
諡號不知
誰滅之

五月乙巳西宮災

國

無傳西宮公別宮也天火曰災例

在宣十六年

國

西宮至六年。正義曰穀梁以西
宮為閔公之廟禮宗廟在左不得稱

西宮也公羊傳曰西宮者何小寢也小寢則曷為謂
之西宮有西宮則有東宮矣此註取公羊為說故云

公別
宮也

鄭人入滑

註 入例在襄十三年

○滑于
八反

秋齊人狄人盟于邢

冬楚人伐隨

一傳二十年春新作南門書不時也

註

失土功之時凡

啓塞從時

註

門戶道橋謂之啓城郭牆塹謂之塞皆

官民之開閉不可一日而闕故特隨壞時而治之今

僖公修飾城門非開閉之急故以土功之制譏之傳

嫌啓塞皆從土功之時故別起從時之例

○寒素
則反

疏

塞之門戶至之例。正義曰：傳唯言啓塞從時，不知啓塞之言，意何所謂？服虔云：闔扇所以開鍵閉，所以塞月令仲春修闔扇，孟冬修鍵閉，從時從此也。傳既云作門不時，更發從時之例，則啓塞之事當是城門之類，安得以爲闔扇鍵閉細小之物乎？若是仲春孟冬傳何以不言春冬而直云從時？知從何時？豈丘明作傳不了待月令而後明哉？故杜更爲別說，雖杜之言亦無明證，正以門戶道橋所以開人行路，故以爲啓城郭牆壘，所以障蔽往來，故以爲塞。雖言無所據而理在可通，此二事者皆官民之所開閉，終當須之不可一日而闕。言從時者，特從壞時而修之，不得拘以土功時月也。此新作南門者，當時不是傾壞，僖公欲修飾使高大耳，非開閉之急，得待土功間月。今以日至之後興造此門，故以土功之制譏之。云書不時也，傳旣譏僖公作門不時，嫌門戶牆壘之類交急之事，亦待土功之月，故別起從時之例，言啓塞不須待時，其新作門須待時耳。杜云城郭謂之塞，亦得從壞時而治之，所以春秋築城每云書不時者，謂非因破

壞而輒修理故謂之不時釋例曰門戶道橋城郭牆
壅官民之開閉不可一日闕者也故特隨壞時而修
之皆當其時而訖不必用土功之常時也故傳既曰
書不時又曰啓塞從時重發以明二義其他急事亦
包之也魯城南面三門隱公元年開一門故今南有
四門僖公意更繕治高大稷門非啓塞之義而以口
至之後興功故經書春傳曰書不時言失
土功之時也啓塞之事猶得從宜而修之 ○滑人叛

鄭而服於衛夏鄭公子士洩堵寇帥師入滑國公子

士鄭文公子洩堵寇鄭大夫

○洩息列反堵丁古反王又音者

○秋

齊狄盟于邢爲邢謀衛難也於是衛方病邢

○爲于偽反難

乃旦反

○隨以漢東諸侯叛楚冬楚鬬穀於菟帥師伐

隨取成而還君子曰隨之見伐不量力也量力而動

其過鮮矣善敗由已而由人乎哉詩曰豈不夙夜謂

行多露詩召南言豈不欲早暮而行懼多露之濡

已以喻違禮而行必有污辱是亦量宜相時而動之

義穀奴口反於音烏菟音徒鮮息淺反下同召上照反暮本亦作莫音暮汚污穢之汚一音烏路反

相息亮反○宋襄公欲合諸侯臧文仲聞之曰以欲從人

則可屈已之欲從衆之善以人從欲鮮濟為明

年鹿上盟傳

經二十有一年春狄侵衛無傳為邢故○為于偽反下為邪同

宋人齊人楚人盟于鹿上鹿上宋地汝陰有原鹿縣

宋為盟主故在齊人上

夏大旱

訓

雩不獲雨故書旱自夏及秋五稼皆不收

疏

訓雩不至不收。正義曰春秋之例旱則修雩雩必為旱而經或書雩或書旱者雩而得雨喜雩有益書雩不書旱雩不得雨則書旱明災成此時雩不獲雨故書旱也周之夏即今之二月三月四月也於時方欲下種此月不雨未能成災而書夏大旱者此後雖得少雨而終是不堪生殖從夏及秋五稼悉皆不收不收之後擇最早之月而書之故書夏大旱也劉炫云大旱而不書饑者傳云是歲也饑而不害故不書饑

秋宋公楚子陳侯蔡侯鄭伯許男曹伯會于孟

訓孟宋

孟宋

地楚始與中國行會禮故稱爵

○孟

音于

執宋公以伐宋

國 不言楚執宋公者宋無德而爭盟為諸侯所疾故

總見眾國共執之文 ○見賢 遍反

冬公伐邾 **國** 無傳為邾滅須句故 ○何其俱 反傳同

楚人使宜申來獻捷 **國** 無傳獻宋捷也不言宋者秋伐

宋冬來獻捷事不異年從可知不稱楚子使來不稱

君命行禮 ○獻軒建反 捷在接反

十有二月癸丑公會諸侯盟于薄釋宋公 **國** 諸侯既與

楚共伐宋宋服故為薄盟以釋之公本無會期聞盟

而往故書公會諸侯 ○薄 諸侯至諸侯○正義 如字 諸侯之被執者皆不

書其釋釋而公不與又不告故魯史不得書之此由
公往與盟見其得釋故書之耳文七年公會諸侯及
大夫盟于扈傳曰公後至故不書所會凡會諸侯不
書所會後也後至不書其國辟不敏也此盟亦總言
諸侯不書其國似是公之後期故解之魯先不屬楚
公本無會期聞盟而往故書公會諸侯非後期也公
非後期而總書諸侯者此則會孟之諸侯也一事而
再見者前目而後凡自謂前已歷序故後總言耳非
為魯公
變文也

傳二十一年春宋人為鹿上之盟以求諸侯於楚楚
人許之公子目夷曰小國爭盟禍也宋其亡乎幸而
後敗國謂軍敗○夏大旱公欲焚巫尪國巫尪女巫
也主祈禱請雨者或以為尪非巫也瘠病之人其面

上向俗謂天哀其病恐雨入其鼻故為之早是以公

欲焚之

○厄烏黃反禱丁老反或丁報反瘠在

厄

亦反向本亦作嚮許亮反故為于偽反
厄至焚之○正義曰周禮女巫巫職云旱暵則舞雩此
以為旱欲焚之故知巫厄女巫也并以巫厄為女巫
則厄是劣弱之稱當以女巫厄弱故稱厄也或以為
厄非巫也巫是禱神之人厄是瘠病之人二者非一
物也厄是病人天恐雨入其鼻俗有此說不出傳記
義或當然故兩解之也檀弓云歲旱穆公召縣子而
問焉曰天久不雨吾欲暴厄而禱若曰天則不雨而
暴人之疾于虐無乃不可與鄭玄云厄者面嚮天觀
天哀而雨之又曰吾欲暴巫而奚若鄭玄云巫主接
神亦觀天哀而雨之彼欲暴人疾而求雨故鄭玄以
為觀天哀而下雨此欲燒殺以求雨故杜以為天哀
之而不雨意異故解異也禮記既言暴厄又別言暴
巫巫厄非一物記言暴人之疾則厄是病人或說
是也

臧文仲曰非旱備也修

城郭貶食省用務穡勸分穡儉也勸分有無相濟

○貶彼檢反故為儉也襄二十四年穀梁傳曰五

穀不升謂之大侵大侵之禮君食不兼味臺榭不塗

弛侯廷道不除百官布而不制鬼神禱而不祀曲禮

云歲凶年穀不登君膳不祭肺馬不食穀如此之類

皆是務為儉也務為儉穡而修城郭者服虔云國家

凶荒則無道之國乘而加此其務也巫庭何為天欲

殺之則如勿生若能為旱焚之滋甚公從之是歲也

饑而不害不傷害民○秋諸侯會宋公于孟子魚

曰禍其在此乎君欲已甚其何以堪之於是楚執宋

公以伐宋冬會于薄以釋之子魚曰禍猶未也未足

以懲君國為二十二年戰泓傳懲直升反任宿須

句顓與風姓也實司大皞與有濟之祀國司主也大

皞伏羲四國伏羲之後故主其祀任今任城縣也顓

臯在泰山南武陽縣東北須句在東平須昌縣西北

四國封近於濟故世祀之○任音壬註同顓音專臯

風姓大音泰皞胡老反濟子禮反註及下羊朱反風姓也本或作皆以服事諸

夏國與諸夏同服王事○夏戶雅反邾人滅須句須

句子來奔因成風也國須句成風家成風為之言於

公曰崇明祀係小寡周禮也國明祀大皞有濟之祀

保安也。○爲于蠻夷猾夏周禍也。**國**此邾滅須句而

曰蠻夷昭二十三年叔孫豹曰邾又夷也然則邾雖

曹姓之國迫近諸戎雜用夷禮故極言之猾夏亂諸

夏。○猾于八反叔孫豹百教反按杜註所引是叔孫

姒。語今傳本多作豹恐是傳寫誤也宜爲姒姒音

救若。**國**此邾至諸夏。○正義曰蠻夷猾夏舜典文

反。年傳當云叔孫姒曰徧檢古若封須句是崇皐濟而

修祀紓禍也。**國**紓解也爲明年伐邾傳。○紓音舒

諸暨圖書館
— ZHUJI LIBRARY —

春秋左傳註疏卷第十五

僖二十二年
盡二十四年

晉杜氏註

唐孔穎達疏

經二十有二年春公伐邾取須句須句雖別國而削

弱不能自通為魯私屬若顓臾之比魯謂之社稷之

臣故滅奔及反其君皆畧不備書惟書伐邾取須句

○比必須句至須句○正義曰上傳云須句子則須句子爵故云雖別國而不能自通為

魯私屬若襄公之世鄆國屬魯故知如顓臾之比畧不備書也

夏宋公衛侯許男滕子伐鄭

秋八月丁未及邾人戰于升陘國升陘魯地邾人縣公

冑于魚門故深恥之不言公又不言師敗績刑縣音

玄冑直

救反

冬十有一月己巳朔宋公及楚人戰于泓宋師敗績國

泓水名宋伐鄭楚救之故戰也楚告命不以主帥人

數故畧稱人帥所類反

傳二十二年春伐邾取須句及其君焉禮也國得恤

寡小之禮○三月鄭伯如楚○夏宋公伐鄭于魚曰

所謂禍在此矣國怒鄭至楚故伐之為下泓戰起○

初平王之東遷也。周幽王為大戎所滅，平王嗣位。

故東遷洛邑。辛有適伊川，見被髮而祭於野者。辛

有周大夫伊川周地伊水也。反下註同。曰不及百年

此其戎乎其禮先亡矣。被髮而祭，有象夷狄。其

先亡矣。正義曰：其中國之禮先亡矣。秋秦晉遷陸渾之戎于伊川。禮

允姓之戎居陸渾，在秦晉西北二國誘而徙之伊川。

遂從戎號，至今為陸渾縣也。計此去辛有過百年而

云不及百年，傳舉其事驗不必其年信。渾戶門反。

允姓至年信。正義曰：昭九年傳曰：先王居禱，一音胡困反。允姓之姦居于瓜州，伯父惠公歸自

秦而誘以來是此戎為允姓也彼註云瓜州今敦煌則陸渾是敦煌之地名也徙之伊川復以陸渾為名故至今為陸渾縣才一年傳稱伊洛之戎同伐京師則伊洛先有戎矣而以今始遷戎為辛有言驗者蓋今之遷戎始居被髮祭野之處故耳 ○晉太子圉為質於秦將逃歸謂

嬴氏曰與子歸乎 嬴氏秦所妻子圉懷嬴也 ○質音致

妻七 對曰子晉大子而辱於秦子之欲歸不亦宜乎 計反

寡君之使婢子侍執巾櫛 婢子婦人之卑稱也 櫛

側已反稱尺證 婢子婦人之卑稱 ○正義曰曲反下之稱同 禮云夫人自稱於其君曰小童世

婦以下自稱曰婢子是 以固子也從子而歸秦君命

婢子為婦人之卑稱 也不敢從亦不敢言遂逃歸 傳終父蘇之占 ○富

辰言於王曰請召大叔

詩

富辰周大夫大叔王子帶

十二年奔齊

○大叔音泰註同

詩曰協比其鄰昏姻孔云

詩

詩小雅言王者為政先和協近親則昏姻甚相歸附

也鄰猶近也孔甚也云旋也

○比毗志反

詩

曰至孔云○正義曰詩

小雅正月之篇也毛傳云治合鄰近云旋也言王者和合親比其近親則昏姻甚迴旋而相歸附其詩之意欲令王親

親以及遠

吾兄弟之不協焉能怨諸侯之不睦王

說王子帶自齊復歸于京師王召之也

傳終仲孫

湫之言也為二十四年天王出居于鄭起

○焉於虔反說音悅

湫子小反○邾人以須句故出師公卑邾不設備而禦之

詁 卑小也。御本亦作臧。文仲曰：國無小不可易也。

無備雖眾不可恃也。詩曰：戰戰兢兢，如臨深淵，如履

薄冰。**詁** 詩小雅言常戒懼。○易以豉反，下同。兢，居陵反，本或作矜。又曰

敬之敬之，天惟顯思。**詁** 顯明也。思猶辭也。命不易哉。

詁 周頌言有四宜敬戒。天明臨下，奉承其命甚難。

敬之至易哉。○正義曰：詩周頌羣臣進戒成王之辭。言為國君者宜敬之哉。敬之哉，天之道唯明見思言

天之臨下，善惡必察，奉承入命，不易哉。言其承天命甚為難。先王之明德猶無不

難也，無不懼也。況我小國乎？君其無謂邪？小蠶蠶有

毒。**詁** 蠶，蠶也。有毒。○正義曰：說文云：蠶，飛蟲，螫人者也。蠶，毒也。方言云：燕趙謂蠶為蠶，螫其小者謂

之蠟蝨通俗文云蠟長尾謂之蠟而況國乎弗聽八

月丁未公及邾師戰于升陘我師敗績邾人獲公胄

縣諸魚門

註

胄兜鍪魚門邾城門

○蠶芳容反本又作蝨俗作蜂皆同

蠟敕邁反

一音敕戒反字林作蠟丑介反又他割反升陘本亦作登陘縣音玄兜丁侯反鍪莫侯反

註 胄兜鍪。正義曰說文云胄兜鍪首鎧也書傳皆云胄無兜鍪之文言兜鍪舉今以曉古蓋秦漢以來

語。○楚人伐宋以救鄭宋公將戰大司馬固諫曰天

之棄商久矣君將與之弗可赦也。已。**註** 大司馬固莊

公之孫公孫固也言君與天所棄必不可不如赦楚

勿與戰弗聽。○冬十一月己巳朔宋公及楚人戰于

泓宋人既成列楚人未既濟註未盡渡泓水司馬曰

註子魚也彼眾我寡及其未既濟也請擊之公曰不

可既濟而未成列又以告公曰未可既陳而後擊之

宋師敗績公傷股門官殲焉註門官守門者師行則

在君左右殲盡也陳直觀反註門官至盡也○

掌先後王而趨以卒伍軍旅會同亦如之舍則守工

閑王在國則守王宮國有大故則守王門諸侯之禮

亡其官屬不可得而知此門官蓋亦天子虎賁氏之

殲盡釋詁文舍人云殲眾之盡也 國人皆咎公公曰君子不重傷不

禽二毛註二毛頭白有二色咎其九反重古之為

直用反下同

軍也不以阻隘也。○不以阻隘以求勝。○隘於寡人。

雖亡國之餘。○宋商紂之後不鼓不成列。○恥以詐

勝。○不鼓不成列。○正義曰軍法鳴鼓以戰因謂交戰為鼓彼不成列而鼓以擊之是詐以求勝故

註云恥以詐勝。子魚曰君未知戰勅敵之人隘而不列天贊

我也。○勅強也言楚在險隘不得陳列天所以佐宋

○勅其京反。阻而鼓之不亦可乎猶有懼焉。○雖因阻擊

之猶恐不勝且今之勅者皆吾敵也。○且今至吾敵也。○正義曰

用兵之法前敵無間疆焉不可遺畱且復若畱疆者還為已害故曰且今之陳上不被損傷材力疆者皆

能與吾相敵若其不殺還來害我。是以雖及胡者獲則取之何有恩義於二毛之人。雖及胡者

詭 雖及胡者。正義曰：諡法係民者艾，曰胡。胡是老

之稱也。釋詁云：考，壽也。舍人曰：考，覲也。血氣精華

覲，竭言色赤黑如狗矣。孫炎曰：考，覲也。血氣精華

面如凍梨色，似浮垢，老人壽徵也。**獲則取之，何有於**

二毛。今之勅者，謂與吾競者。胡考，元老之稱。音苟。

明恥教戰，求殺敵也。明殺刑戮以恥，不果傷未及

死，如何勿重。言尚能害已。若愛重傷，則如勿傷愛

其二毛，則如服焉。言苟不欲傷殺敵人，則本可不

須鬪。若愛至服焉。正義曰：如猶不如。古人之語

然猶似敢，即不敢。若愛彼重傷，則不如本勿

傷之。若愛其二毛，不欲傷害。三軍以利用也。為利

則不如早服從之，何須與戰。鼓以佐士眾之聲氣。

興。偽反。為于。金鼓以聲氣也。鼓以佐士眾之聲氣。

詭

鼓以至聲氣。○正義曰：言金鼓以聲氣謂金鼓佐士衆之聲氣。下文聲盛致志者，謂士衆出聞金鼓聲，氣滿盛能致勇武之志，以擊前敵。儼巖未陳鼓而擊之，可也。註不言金當以金有止衆之時，不是。盡以聲氣故也。周禮：鼓人掌教六鼓四金之音聲，以節聲樂以和軍旅。以正田役，以金錡和鼓，以金鐻節鼓，以金鐃止鼓，以金鐸通鼓。是錡鐻鐸皆助鼓以聲氣，其鐃則鳴之以止鼓。大司馬教戰法亦云：三刺之後，乃鼓退鳴鐃，且却哀。十一年傳書曰：此行也，吾聞鼓而已，不聞金矣。杜云：鼓以進軍，金以退軍，不聞金言將死也。是金有止鼓之時，非盡用以聲氣。註不言金見此意也。

也聲盛致志鼓儼可也
儼巖未整陳
○儼仕銜反 又仕減反 陳

直覲反 又如字
○丙子晨鄭文夫人芊氏姜氏勞楚子於柯

澤
楚子還過鄭文公夫人芊氏姜氏齊女

也柯澤鄭地

○芊彌爾反楚姓也勞刀報反柯音哥

國

楚子至鄭地正義曰以芊

是楚姓姜是齊姓故云楚女齊女耳亦無明文言之

二者共以夫人冠之蓋俱是夫人禮無二適而有兩

夫人者當時儻

恣不如禮也

楚子使師縉示之俘馘

國

師縉楚樂

師也俘所得囚馘所截耳

○縉音晉俘芳扶反囚也馘古獲反戰所獲

國

國師縉至截耳○正義曰書傳所言師曠師曹蠲師

觸之類皆是樂師知此師縉亦樂師也釋詁文俘取

也馘獲也李巡云囚敵曰俘伐執之曰取郭璞云今

以獲賊耳為馘毛詩傳曰殺而獻其耳曰馘鄭箋云

馘所格者左耳也然則俘者生執囚之君子曰非禮

馘者殺其人截取其左耳欲以計功也

也婦人送迎不出門見兄弟不踰闔

國

闔門限

○闔音域

一音況

域反

國

闔門限○正義曰釋宮云秩謂之闔孫炎曰秩門限也經傳諸註皆以闔為門限

謂門下橫木為外內之限也

戎事不邇女器

註邇近也器物也言

俘馘非近婦人之物

註近如字又附近之近下同

丁丑楚子入饗

于鄭

註為鄭所饗

註偽反為守

九獻

註用上公之禮九獻

酒而禮畢

註

用上至禮畢正義曰周禮大行人云上公九獻侯伯七獻子男五獻

禮主人酌以獻賓賓酢主人主人又酌以酬賓乃成一獻之禮九獻者九為獻酬而禮始畢也楚實子爵

以霸主自許故鄭以極禮待之

庭實旅百

註

庭中所陳品數百也

註

註庭中至百也。正義曰饗禮既亡庭實所有及所

加籩豆無以言之然鄭註周禮享禮兼燕禮食禮與

餐禮畧同掌客云饗餼之禮其死牢如餐之陳上公

餐五牢飪一牢陳在西階之前正鼎九牛一羊二豕

三魚四腊五腸胃六膚七鮮魚八鮮腊九從北南陳

又有陪鼎三脚鼎一在牛鼎之後臠鼎一在羊鼎之

後臠鼎一在豕鼎之後腥四牢陳於東階之前牢別
 九鼎無陪鼎也侯伯餐四牢飪一牢腥三牢子男餐
 二牢飪一牢腥二牢其陳列皆如上公又上公醢六
 十甕從陳於庭碑東醢六十甕從陳於碑西侯伯醢
 醢百甕子男八十甕其陳如上公又上公米百有二
 十筥橫陳於醢醢之間侯伯百筥子男八十筥陳如
 上公此餐禮庭實之物饗餼亦然掌客上公豆四十
 侯伯三十二子男二十四鄭註云公四豆堂上十
 六西夾東夾各十二侯伯三十二豆堂上十二西夾
 東夾各十子男二十四豆堂上十二西夾東夾各六
 然籩數亦然其籩豆之物者周禮籩人掌四籩之實
 朝事之籩其實麩蕡黃白黑形醢醢鮑魚鱸饋食之籩
 其實棗栗桃乾榛榛實加籩之實菱芡栗脯羞籩之
 實糗餌粉餈醢人掌四豆之實朝事之豆其實韭菹
 醢醢昌本麋藟菁菹鹿藟苽菹麋饋食之豆其實
 葵菹羸醢脾析麇醢蜃蚘醢豚拍魚醢加豆之實芹
 菹兔醢深蒲醢醢菹鴈醢筍菹魚醢羞豆之實醢
 食糝食此等所陳雖為祭祀下云賓客亦如之是賓

客與祭祀不異故三十年饗有昌歠白黑形鹽公食大夫禮亦有昌本之屬此云加籩豆六品必是此等之物但傳文不加籩豆六品註食物六品加於籩豆具無以言之

籩豆禮食器饗畢夜出文苜送于軍取鄭二姬以歸

註 二姬文苜女也叔詹曰楚王其不没乎註不以壽

終○詹章廉反沒門忽反 為禮卒於無別無別不可謂禮將何

以没諸侯是以知其不遂霸也註言楚子所以師敗

城濮終為商臣所弑○卒子恤反別彼列反下同濮音卜弑音試

經二十有三年春齊侯伐宋圍緡註緡宋邑高平昌邑

縣東南有東緡城○緡七中反

夏五月庚寅宋公茲父卒

三同盟

義

三同盟○正義曰茲父以九

年卽位其年盟于葵丘十五年于牡丘唯與魯同此二盟而已而云三者并數盟于薄釋宋公也案經盟于薄始云釋宋公則盟薄之時宋公未得與盟而數之者以凡盟之法皆舍其前惡結其後好故宣十五年楚人圍宋圍後始盟及城下之盟皆是其事今釋宋公之後恐楚人伐宋宋公恨楚故盟以結之若未釋宋公之前何須盟誓但經文欲顯公會之事故盟在釋前劉炫以宋公不與薄盟而規杜云非也

秋楚人伐陳

義

楚人伐陳○正義曰傳稱楚成得臣帥師伐陳則是楚之貴卿也而稱人者釋

例曰楚人君臣最多混錯此乃楚之初興未開周之典禮告命之書自生異同猶秦之辟陋不與中國準故成二年以上春秋未以入例也如杜彼言楚不以得臣名告故稱人耳

冬十有一月杞子卒

義

傳例曰不書名未同盟也杞入

春秋稱侯莊二十七年紂稱伯至此用夷禮貶稱子

○紂本又作黜敕律反

傳二十三年春齊侯伐宋圍緡以討其不與盟于齊

也○十九年盟于齊以無忘桓公之德而宋獨不會

復召齊人共盟鹿上故今討之○與音預復扶又

夏五月宋襄公卒傷於泓故也○終于魚之言得死

為幸○秋楚成得臣帥師伐陳討其貳於宋也○成

得臣子玉也遂取焦夷城頓而還○焦今譙縣也夷

一名城父今譙郡城父縣二地皆陳邑頓國今汝陰

南頓縣○焦子消反子文以為之功使為令尹叔伯曰子

若國何○叔伯楚大夫遠呂臣也以為子玉不任令

尹○遠為彼反任音壬同對曰吾以靖國也夫有大功而無貴

仕○音靜貴仕貴位○音靜其人能靖者與有幾○言必矜

功為亂不可不賞○其人能靖者與絕句與音餘幾居宜反○九月晉惠

公卒○經在明年從赴懷公命無從亡人懷公子

圍亡人重耳○重耳龍反期期而不至無赦狐突之子毛

及偃從重耳在秦弗召○偃子犯也○期期上如字下音基下亦作

基下註未期亦音基○從才用反後皆同冬懷公執狐突曰子來則免○

未期而執突以不召子故對曰子之能仕父教之忠

古之制也策名委質貳乃辟也名書於所臣之策

屈膝而君事之則不可以貳辟罪也質如字辟婢亦反註同膝星

歷名書至罪也。正義曰策簡策也質形體也反古之仕者於所臣之人書已名於策以明繫屬

之也拜則屈膝而委身體於地以明敬奉之也名繫於彼所事之君則不可以貳心辟罪釋詁文今

臣之子名在重耳有年數矣若又召之教之貳也父

教子貳何以事君刑之不濫君之明也臣之願也淫

刑以逞誰則無罪臣聞命矣乃殺之卜偃稱疾不出

曰周書有之乃大明服周書康誥言君能大明則

民服○濫力暫反已則不明而殺人以逞不亦難乎民不

見德而唯戮是聞其何後之有○言懷公必無後於

晉為二十四年殺懷公張本○逞救景反本亦作呈之○十一月

杞成公卒書曰子杞夷也○成公始行夷禮以終其

身故於卒貶之杞實稱伯仲尼以文貶稱子故傳言

書曰子以明之○成公至明之○正義曰何休膏

死乎故解之此杞成公始行夷禮以終其身故於卒

貶之卒者人之終於終貶之見其終身行夷禮也於

時杞實稱伯唯此獨稱子是仲尼以文貶之稱子貶

之而曰子者曲禮曰其在東夷北狄西戎南蠻雖大

曰子四夷之君爵不過子故貶

之為子言如夷狄之大國耳

不書名未同盟也凡

諸侯同盟死則赴以名禮也。○隱七年已見今重發

不書名者疑降爵故也此凡又為國史承告而書例

○見賢遍反重而用反下赴以名則亦書之。○謂未

同盟不然則否。○謂同盟而不以名告辟不敏也。○

敏猶審也同盟然後告名赴者之禮也承赴然後書

策史官之制也內外之宜不同故傳重詳其義。○不

至敏也。○正義曰隱十年已有例矣今重發者釋例

曰杞侯降爵嫌有異同故傳重發不書之例又更發

凡者以明雖薨赴有法若或違之國史亦承告而書

不必改正也赴以名則亦書之者謂諸侯雖不同盟

或以名赴也不然則否辟不敏者謂雖同。○晉公子

重耳之及於難也晉人伐諸蒲城事在五年乃旦

反蒲城人欲戰重耳不可曰保君父之命而享其生

祿享受也保猶恃也享其生祿正義曰人以祿生故謂之生祿於

是乎得人以祿致衆有人而按罪莫大焉按報

也音校吾其奔也遂奔狄從者狐偃趙衰衰趙夙

弟衰初顛頡魏武子武子魏犢犢頡戶結反司

空季子胥臣曰季也時狐毛賈佗皆從而獨舉此

五人賢而有大功佗徒何反正義曰胥氏也臣

名也晉有曰邑蓋食采於曰邑字季子而為司空之官故名氏互見也不言狐毛賈佗而獨舉此五人者

賢而有大功故也顛頡歸晉尋卽被戮而言大功者當爲從亡之時有大功也晉語稱公子長專賈佗佗非不賢蓋傳文意之所在便卽狄人伐虜咎如

言之未必五人皆賢於賈佗

咎如赤狄之別種也隗姓

○虜在良反咎古刀反

○虜咎至隗姓

○正義曰成二年晉卻克衛孫良夫伐虜咎如傳曰討赤狄之餘焉彼言赤狄之餘知是赤狄之別種也女曰叔隗季隗知爲隗姓也

獲其二女叔隗季隗納諸公子

子公子取季隗生伯儵叔劉以叔隗妻趙衰生盾

盾趙宣子

我二十五年不來而後嫁對曰我二十五年矣又如

是而嫁則就木焉

○言將死入木不復成嫁請待子

盾趙宣子

○儵直由反妻七計反下同盾徒本反

將適齊謂季隗曰待

處狄十二年而行國以五年奔狄至國六年而去請

待子過衛衛文公不禮焉出於五鹿國五鹿衛地今

絕句衛縣西北有地名五鹿陽平元城縣東亦有五鹿乞

食於野人野人與之塊公子怒欲鞭之子犯曰天賜

也國得土有國之祥故以為天賜○塊苦對反稽首

受而載之國乞食至載之○正義曰晉語云過五鹿

將鞭之子犯曰天賜也民以土服又何求焉天事必

象十二年必獲此土二三子志之歲在壽星及鶉尾

其有此土乎天以命矣復於壽星獲於諸侯天之道

也由是始之有此其以戊申乎所以申土也再拜稽

首受而及齊齊桓公妻之有馬二十乘國四馬為乘

八十四也。○乘繩證反公子安之從者以為不可將

行謀於桑下。○齊桓既卒知孝公不可恃故蠶妾在

其上以告姜氏姜氏殺之。○姜氏重耳妻恐孝公怒

其去故殺妾以滅口。○及齊至殺之正義曰晉語

十乘將死於齊而已曰民生安樂孰知其他桓公卒

孝公即位諸侯叛齊子犯知齊之不可以動而知文

公之安齊有終焉之心欲行而患之與從者謀於

桑下蠶妾在焉莫知其也在也妾告姜氏姜氏殺之

謂公子曰子有四方之志其聞之者吾殺之矣公子

曰無之姜曰行也懷其安實敗名公子不可姜與子

犯謀醉而遣之醒以戈逐子犯。○無去志故怒必邁

反醒星

醒

醒以戈逐子犯。正義曰晉語云逐子犯

頂反

曰若無所濟吾食舅氏肉其知饜乎舅犯

走且對曰若無所濟吾未知死所誰能與豺狼爭食

若克有成公子無亦晉之柔嘉是以甘食偃之肉腥

臊將焉用

及曹曹共公聞其駢脅欲觀其裸浴薄而

觀之

薄

迫也駢脅合幹。共音恭聞其駢脅絕句

云駢脅并也廣雅云脅幹謂之肋通俗云腋下謂之

脅欲觀如字絕句一讀至裸字絕句裸力果反又戶

化反浴音欲薄如字國及曹至觀之。正義曰斷

語云薄簾也幹古且反其裸以上為句裸謂赤體

無衣也駢脅非裸不見故欲觀其裸伺其浴乃逼迫

以觀之晉語云曹共公聞其駢脅欲觀其狀止其舍

謀其將浴設微薄而觀之孔晁云謀侯也微蔽也。

薄迫也駢脅合幹。正義曰薄者逼近之意故為

迫也說文云駢脅并幹也肋脅骨也廣雅云脅幹謂

之肋孔晁云聞公子脅幹是一骨故欲觀之通俗文

曰腋下謂之脅如此諸說則脅是腋下之名其骨謂之肋韓是肋之別名駢訓比也骨相比迫若一骨然

僖負羈之妻曰吾觀晉公子之從者皆足以相國若

以相國若遂以為傳相亮反下及註同 夫子必反

其國反其國必得志於諸侯得志於諸侯而誅無禮

曹其首也子盍蚤自貳焉自貳自別異於曹戶臘

乃饋盤飧寘璧焉臣無意外之交故用

盤藏壁飧中不欲令人見饋其貴反遺也飧音孫

公子受飧反璧及宋宋襄公贈之

以馬二十乘贈送也及鄭鄭文公亦不禮焉叔詹

外而天不靖晉國殆將啓之二也有三士足以上人

而從之三也國語狐偃趙衰賈佗三人皆卿才

如字一音才用反 **國語**至卿才○正義曰晉語云僖負

卿才三人從之可謂賢乎宋公孫固言於襄公曰晉

公子好善不厭父事狐偃歸事趙衰而長事賈佗此

三人者實左右之公子居則下之動則諮焉僖負羈

言有卿才公孫固說其名氏知是一物故并引之

晉鄭同儕儕等也○**其過子弟固將禮焉**況

天之所啓乎弗聽及楚楚子饗之曰公子若反晉國

則何以報不穀對曰子女玉帛則君有之羽毛齒革

則君地生焉其波及晉國者君之餘也其何以報君

曰雖然何以報我對曰若以君之靈得反晉國晉楚

治兵遇於中原其辟君三舍若不獲命三退不得

楚止命也○過古其左執鞭弭右屬橐鞬以與君周

旋弭弭弓末無緣者橐以受箭鞬以受弓屬著也周

旋相追逐也○弭莫爾反爾雅云弓有緣者謂之弓

受箭器鞬九言反○弭音燭註同橐古刀反

弓衣絛○絛音絹反云弓有緣者謂之弓無緣者謂

之彈李巡曰骨飾兩頭曰弓不以骨飾兩頭曰弭孫

炎曰緣謂繳束而漆之弭謂不以繳束骨飾兩頭者

也二說雖反俱以弭為弓末也詩云載橐弓矢則弓

矢所藏俱名橐也昭元年傳伍舉請垂橐而入註云

示無弓則橐亦受弓之物方言云弓藏謂之鞬此橐

鞬二物必一弓一矢以鞬是受弓故云橐以受箭因

對文而分之耳孔晁云馬鞭及弓分在
兩手欲辟右帶橐鞬之文故云左執

子玉請殺之

畏其志大楚子曰晉公子廣而儉

志廣而體儉

文而有禮其從者肅而寬

肅敬也忠商能力

而廣

至能力。正義曰廣大者失於奢僭故美其能儉也
文華者失於傲慢故美其能有禮也能敬者失於褻
急故美其能寬容也忠誠者未必有力故美其
能勤也此四者每兩事相反而美其能兼有之

無親外內惡之

晉侯惠公也

惡鳥

吾聞姬姓唐

叔之後其後衰者也其將由晉公子乎天將與之誰

能廢之違天必有大咎乃送諸秦秦伯納女五人懷

嬴與焉

懷

嬴子圉妻子圉諡懷公故號為懷嬴

答

其九反與
焉音預
奉匱沃盥既而揮之
匱沃盥器也揮前

也
○奉芳勇反匱以支反一音以紙反說文云似羹
魁柄中有道可注水盥古緩反揮許韋反湔音薦

又音贊一音
○似羹魁柄中有道可以注水盥澡手
箭又音戔

也從臼水臨皿然則匱者盛水器也盥謂洗手也沃
謂澆手也懷羸奉匱盛水為公子澆水令公子洗手

既而以溼手揮之使水
湔汚其衣故云揮湔也怒曰秦晉匹也何以卑我

匹敵也公子懼降服而囚
去上服自拘囚以謝之

○去起呂
反拘音俱
云公子欲辭司空季子子犯子餘勸取

之乃歸女而納幣且逆孔晁云歸懷羸更以貴妾禮
迎之也服虔云申意於楚子伸於知已降服於懷羸

屈於不
他日公享之子犯曰吾不如衰之文也

知已

有

文辭也

○衰初危反下同

請使衰從公子賦河水

詩

河水逸

詩義取河水朝宗于海海喻秦公賦六月

詩

六月詩

小雅道尹吉甫佐宣王征伐喻公子還晉必能匡王

國古者禮會因古詩以見意欲言賦詩斷章也其全

稱詩篇者多取首章之義他皆放此

○見賢遍反斷端緩反

詩

詩六月至放此○正義曰杜言全引詩篇首多取首章之義劉炫規過云案春秋賦詩有雖舉篇名不取

首章之義者故襄二十七年公孫段賦桑扈趙孟曰匪交匪敖乃是卒章又昭元年云令尹賦大明之首

章既特言首章明知舉篇名者不是首章今刪定知不然者以文四年賦湛露云天子當陽又文十三年

文子賦四月是皆取首章若取餘章者傳皆指言其事則賦載馳之四章綠衣之卒章是也所以令尹特

言大明首章者令尹意特取首章明德故傳指言首章與餘別也杜言多取首章言多則非是總皆如此劉以春秋賦詩有不取首章以規杜氏非也

趙衰曰重耳拜賜公子降拜稽首公降一級而辭焉下階一級辭公子稽首

音急衰曰君稱所以佐天子者命重耳重耳敢不拜

詩首章言匡王國次章言佐天子故趙衰因通言之

為明年秦伯納之張本

經二十有四年春王正月

夏狄伐鄭

秋七月

冬天王出居于鄭

襄王也天子以天下為家故所在

稱居天子無外而書出者譏王蔽於匹夫之孝不顧

天下之重因其辟母弟之難書出言其自絕於周

蔽

必世反難

乃且反

出

天王出居于鄭。正義曰出居實出奔也。出謂出畿內居若移居然天子以天

下為家所在皆得安居故為天子別立此名釋例曰天子以天下為家故傳曰凡自周無出今以出居為

名而不書奔殊之於列國

晉侯夷吾卒

文

文公定位而後告未同盟而赴以名

傳二十四年春王正月秦伯納之不書不告入也

不

納重耳也及河子犯以璧授公子曰臣負羈縻從君

巡於天下

韉

馬韉 緹馬 韉

○韉紀宜反說文云馬絡頭也緹息列反說文

云繫也從才用反

又如字韉居良反

韉

文云韉馬絡頭也又曰馬絆繼

係也少儀云犬則執繼牛則執紉馬則執鞫服虔云

一曰犬韉曰繼古者行則有犬杜今正以繼為馬韉

者繼是係之別名係馬係駒皆得稱繼彼對文耳

散則可以通巡於天下用馬為多故主於馬耳 臣

之罪甚多矣臣猶知之而況君乎請由此亡公子曰

所不與舅氏同心者有如白水 **韉** 子犯重耳舅也言

與舅氏同心之明如此白水猶詩言謂予不信有如

皦日

○皦古

韉

子犯至皦日○正義曰諸言有如

有知白水皆取明白之義言心之明白如日如水也
有知上帝有如先君言上帝先君明見其心意亦同

也投其璧于河音致質信於河音致濟河圍令狐入桑

泉取曰衰音致桑泉在河東解縣西解縣東南有日城

○令力丁反衰初危反解戶買反二月甲午晉師軍于廬柳音致懷公

遣軍距重耳○廬力居反柳力久反秦伯使公子繫如晉師師

退軍于郇音致解縣西北有郇城○繫張立反郇音荀辛丑狐偃

及秦晉之大夫盟于郇壬寅公子入于晉師丙午入

于曲沃丁未朝于武宮音致文公之祖武公廟戊申使

殺懷公于高梁不書亦不告也音致懷公奔高梁高梁

在平陽揚縣西南再發不告者言外諸侯入及見殺

亦皆須告乃書于策呂卻畏偏呂甥卻芮惠公舊

臣故畏為文公所偏害○偏音通為于偽反將焚公宮而弑晉

侯寺人披請見公使讓之且辭焉○弑音試又作

殺寺本又作侍披普皮反請見賢遍反曰蒲城之役在五年君命一

宿女即至○女音汝皆同其後余從狄君以田

渭濱田獵女為惠公來求殺余命女

三宿女中宿至雖有君命何其速也夫祛猶在披

所斬文公衣袂也○為于偽反中丁仲反下註中鈞同女中宿至或無至字祛起魚反

袂滅夫袂猶在○正義曰夫制反女其行乎對曰臣請

君之入也其知之矣知君人之道若猶未也又將

及難君命無二古之制也除君之惡唯力是視蒲人

狄人余何有焉當二君世君為蒲狄之人於我有

何義○難乃旦反今君即位其無蒲狄乎○蒲人至

正義曰言獻公之時君為蒲邑人惠公之時君為狄國人余未事君何有恩義於君為今君即位其無蒲

狄乎言有人在蒲齊桓公置射鉤而使管仲相○乾

時之役管仲射桓公中帶鉤○射食亦反註君若易

之何辱命焉言若反齊桓已將自去不須辱君命

行者甚眾豈唯刑臣○甚眾一本甚作其披奄人故稱刑臣

○行者至刑臣。○正義曰：公言女其行乎，欲使之出奔也。公若反齊桓，念舊惡，則出奔者甚衆多矣。豈

惟刑臣一人乎？言公見之以難告。告呂卻欲焚公

宮。三月，晉侯潛會秦伯于王城。己丑，晦，公宮火。瑕甥

卻芮不獲，公乃如河上。秦伯誘而殺之。晉侯逆夫人

嬴氏以歸。秦穆公女文嬴也。秦伯送衛於晉三千

人，實紀綱之僕。新有呂卻之難，國未輯睦，故以兵

衛文公諸門戶僕隸之事，皆秦卒共之，爲之紀綱。○輯

音集又七入反，本亦作集卒。新有至紀綱。○正

下忽反，共音恭，本亦作供。義曰：新有呂卻之難，國未輯睦，恐晉人情不可信，故秦伯以兵衛文公也。說文：綱，維紘繩也。紀，絲別也。則綱是維之大繩，紀

者別理絲縷諸門戶僕隸之事皆使秦卒
共之與晉人為紀綱謂為之首領主帥也
初晉侯之

豎頭須守藏者也
頭須一曰里鳧須豎左右小吏

○豎上註反藏才浪反下同里鳧須豎乎辰韓詩外
傳云晉文公亡過韓里須從因盜重耳資而亡重

耳無糧餒不能行介子推
割股以食重耳然後能行
頭須至小吏○正義

謂之里鳧須與傳文不同必有一謬故辨出其
別不敢正之鄭玄周禮註云豎奉冠者之官名
其出

也竊藏以逃
文公出時盡用以求納之
求納文

公
○盡津
忍反
及入求見公辭焉以沐謂僕人曰沐則心

覆
沐則心覆○正義曰韋昭
云沐則低頭故心反覆也
心覆則圖反宜吾不

得見也居者為社稷之守行者為羈縻之僕其亦可

也何必罪居者國君而讎匹夫懼者甚衆矣僕人以

告公遽見之

註言棄小怨所以能安衆

○求見賢徧反下得見同

覆芳服反下同守手又反又如字甚衆本或作其衆遽其處反

○狄人歸季隗于晉

而請其二子

註二子伯儵叔劉文公妻趙衰生原同

屏括攬嬰

註原屏樓三子之邑

○妻七計反屏步平反括古活反

趙

姬請逆盾與其母

註趙姬文公女也盾狄女叔隗之

子子餘辭

註子餘趙衰字

姬曰得寵而忘舊何以使

人必逆之固請許之來以盾為才固請于公以為嫡

子而使其三子下之以叔隗為內子而已下之

註卿

之嫡妻為內子皆非此年事蓋因狄人歸季隗遂終

言叔隗

○嫡本亦作適丁歷反
註同下還嫁反下同

○晉侯賞從亡者介

之推不言祿祿亦弗及

○

介推文公微臣之語助

從

才用反介音
界推昌誰反

推曰獻公之子九人唯君在矣惠懷無

親外內棄之天未絕晉必將有主主晉祀者非君而

誰天實置之而二三子以為已力不亦誣乎竊人之

財猶謂之盜況貪天之功以為已力乎下義其罪上

賞其姦上下相蒙

○

蒙欺也難與處矣

○

下義至處矣○正義

曰在下者以貪天之功為立君之義是下義其罪也
在上者以立君之勲賞盜天之罪是上賞其姦也居

下者義其罪是下欺上也居上者賞其姦是上欺下也如此上下相欺蒙難可與竝居處矣

曰盍亦求之以死誰對對曰尤而效之罪又甚焉且

出怨言不食其食怨言謂上下相蒙難與處

反對直類反其母曰亦使知之若何既不求之且欲令

推達言於文公呈反對曰言身之文也身將隱焉

用文之是求顯也其母曰能如是乎與女偕隱偕

俱也焉於虔反女音汝遂隱而死晉侯求之不獲以緜上為

之田曰以志吾過且旌善人旌表也西河界休縣

南有地名緜上鄭之入滑也滑人聽命入滑在

二十一年師還又即衛鄭公子士洩堵俞彌帥師伐

滑

堵俞彌鄭大夫

○俞羊朱反彌亡皮反

王使伯服游孫伯

如鄭請滑

二子周

大夫鄭伯怨惠王之入而不與

厲公爵也

事在莊

二十一年又怨襄王之與衛滑

也

怨王助衛為滑請

○為于偽反

故不聽王命而執二

子王怒將以狄伐鄭富辰諫曰不可臣聞之大上以

德撫民

無親疏也

○聽吐鄭反而執二子本或作

而執其二子其衍字也大音泰

其次親親以相及也

先親

以及疏推恩以行義

疏

太上至及也。正義曰曲禮云大上貴德其次務施報鄭玄以大上為帝皇之世其次謂三王以來則以

大上其次為世代之先後也襄二十四年傳曰大上立德其次立功其次立言杜以立德謂黃帝堯舜立功謂禹稷立言謂史佚周任則以人之賢愚為上其次非復年代之先後也然則大上謂人之最大上上聖之人也以德撫民唯能是用不簡親疎也其次聖之人則親其所親以漸相及而至於遠人為下周公親親之事張本也周公亦是上聖不以德而先親者制法為後不獨為身聖人之身不恃親也

公弔二叔之不咸故封建親戚以蕃屏周
弔傷也

咸同也周公傷夏殷之叔世疏其親戚以至滅亡故

廣封其兄弟
○蕃方元反
管蔡邲霍魯衛毛聃邴雍曹滕

畢原鄆郇文之昭也
國十六國皆文王子也管國在

萊陽京縣東北雍國在河內山陽縣西畢國在長安

縣西北鄆國在始平鄆縣東

○邾音成聃乃甘反雍於用反註同鄆音豐鄆

音荀邠晉應韓武之穆也

四國皆武王子應國在襄

陽城父縣西韓國在河東郡界河內野王縣西北有

邠城

○邠音于

凡蔣邠茅胙祭周公之胤也

胤嗣也蔣

胤嗣也蔣

在弋陽期思縣高平昌邑縣西有茅鄉東郡燕縣西

南有胙亭

○蔣將丈反茅于交反胙才故反下註祭胙同祭則界反

昔周至胤

也○正義

曰伯仲叔季長幼之次也故通謂國衰為叔世將亡為季世昔周公傷彼夏殷二國叔世疎其親戚令使

宗族之不同心以相匡輔至於滅亡故封立親戚為諸侯之君以為蕃籬屏蔽周室言封此以下文武周

公之子孫為二十六國也此二十六國武王克商之後下及成康之世乃可封建畢矣非是一時封建非

盡周公所為富辰盡以其事屬周公者以武王克殷
 周公為輔又攝政制禮成一代大法雖非悉周公所
 為皆是周公之法故歸之於周公耳昭二十八年傳
 曰昔武王克商光有天下兄弟之國十有五人姬姓
 之國四十人彼言由其克商乃得封建兄弟歸功於
 武王耳亦非武王之時已建五十五國其後不復封
 人也昭二十六年傳曰昔武王克殷成王靖四方康
 王息民竝建母弟以蕃屏周昭九年傳曰武王成康
 之建母弟以蕃屏周則康王之世尚有封國非獨周
 公時也且見於經傳者管叔蔡叔霍叔周公攝政之
 初以流言見黜則三叔之國已見武王封矣尚書康
 誥之篇周公營洛之時始封康叔于衛洛誥之篇周
 公致政之月始封伯禽于魯書傳稱成王削桐葉為
 珪以封唐叔如此之類不得為武王封也凡蔣邢茅
 泚祭周公之胤也豈周公自封哉周當成王即政之
 後或至康王之時始封之耳○**弔**傷至兄弟○正
 義曰弔傷俱是悼往之辭咸訓為皆故為同也昭六
 年傳曰夏有亂政而作禹刑商有亂政而作湯刑周

有亂政而作九刑三辟之典皆叔世也彼叔世爲三代之末世知此二叔亦二代之末世也二代之末疎其親戚以至滅亡周公創其如此故制禮設法親其所親廣封兄弟以自蕃衛也蕃屏者分地以建諸侯使與京師作蕃籬屏扞也鄭衆賈逵皆以二叔爲管叔蔡叔傷其不和睦而流言作亂故封建親戚鄭玄詩箋亦然案其封建之中方有管蔡豈傷其作亂始封建之馬融以爲夏殷叔世故杜同之○**昭**十六至縣東○正義曰文之昭者自后稷以後一昭一穆文王於次爲穆故文子爲昭武子爲穆昭二十八年傳稱武王兄弟之國十五入此十六彼十五者人異故說異耳非武王時十五而周公加之也此十六國所在之地蔡邕魯衛郟曹滕七國當時皆在已經解訖霍在閔元年原在隱十一年郟在此年春亦已解訖其毛聃闕故惟解管雍畢豐也武穆四國晉時見在故唯解應韓邗也周公之亂邢國見在隱七年解訖凡祭闕故唯**召穆公**思周德之不類故糾合宗族于解蔣茅胙也

成周而作詩

詩

類善也糾收也召穆公周卿士名虎

召采地扶風雍縣東南有召亭周厲王之時周德衰

微兄弟道缺召穆公于東都收會宗族特作此周公

之樂歌常棣詩屬小雅

○召上照反註同糾居黝反棣六計反字林大內反

曰

常棣之華鄂不韡韡

詩

常棣棣也鄂鄂然華外發不

韡韡言韡韡以喻兄弟和睦則強盛而有光輝韡韡

然

○鄂五各反不方九反韡韡鬼反

凡今之人莫如兄弟

詩

言致韡

韓之盛莫如親兄弟其四章曰兄弟鬩于牆外禦其

侮

詩

鬩訟爭貌言內雖不和猶宜外扞異族之侵侮

○闕呼歷反毛詩傳云很也禦魚呂反下同侮
甫反詩作務爭鬪之爭本又作評扞戶旦反
召穆至其侮○正義曰常棣之詩周公所作故周語
說此事云周文公之詩曰卽明是周公作也召穆公
厲王時人於時周德既衰兄弟道缺召穆公思周德
之不善致使兄弟之恩缺收合宗族於成周爲設燕
會而作此周公樂歌之詩曰常棣之木華鄂鄂然外
發之時豈不韡韡而光明乎以衆華俱外發實韡韡
而光明以喻兄弟衆多而相和睦豈不彊盛而有光
輝乎言兄弟和睦實彊盛而有光輝兄弟和睦則彊
盛如是然則凡今日天下之人欲致此韡韡之盛莫
如兄弟之相親也其四章曰兄弟或有自不相善可
爭訟于牆內若有他人侵之則同心合意外禦其他
人之侵侮也○類善至小雅○正義曰類善釋詁
文糾者聚合之意故爲收也召穆公厲王宣王之臣
詩江漢序云命召公平淮夷經曰王命召虎是也思
周德之不善故知是厲王之時周德衰微兄弟道缺
也召穆公於東都會宗族蓋當宣王之時若當厲王

之時天子疎之召公雖則聚會不能使之親也於會之上作此周公之樂歌欲感切宗族使相親也劉炫云杜云常棣詩屬小雅明是周公所作也○**圖**常棣至韓然○正義曰常棣棣釋木文也舍人曰常棣一名棣郭璞曰今關西山中棣樹子似櫻桃可啖鄂鄂然華外發者華聚而發於外鄂鄂然而光明也不韓韓乎言其實韓韓也古之人語有聲而倒者詩文多有此類○**圖**鬩訟爭貌○正義曰釋言云鬩恨也孫炎云相恨戾也李巡本作恨註云相怨恨以心相怨恨而為鬩是為爭訟貌也

弟雖有小忿不廢懿親**圖**懿美也今天子不忍小忿

以棄鄭親其若之何庸勳親親暱近尊賢德之大者

也**圖**庸用也暱親也○**圖**女即聾從昧與頑用聾茲

之大者也○聾鹿工反昧音妹聾魚中反**圖**庸勳至茲之大○正義曰親暱尊是愛敬之辭

也卽從與是依就之意也其庸卽用也用其有功勳者親其親族親者矐其道路近者尊其有賢行者此四事是德之大者也卽訓就也就其耳聾者從其目昧者與其心頑者用其口噤者此四事是姦之大者也勲親近賢據事上爲名聾昧頑噤據身上爲名以狄無他事故於耳目身口之上爲惡名耳下文各以四事覆之唯棄嬖寵而用三良是言鄭伯之賢與上文倒隨便言耳杜言三良叔詹堵叔師叔所謂尊賢如杜此註則謂鄭伯尊賢與上文尊賢乖者能用三良則是鄭伯之賢王則當尊此鄭伯但杜註省畧耳

棄德崇姦禍之大者也國崇聚也鄭有平惠之勲國

平王東遷晉鄭是依惠王出奔虢鄭納之是其勲也

又有厲宣之親國鄭始封之祖桓公友周厲王之子

宣王之母弟棄嬖寵而用三良國七年殺嬖臣申侯

十六年殺寵子子華也三良叔詹堵叔師叔所謂尊

賢○堵丁古反又音者於諸姬為近道近當暱之四德具矣

耳不聽五聲之和為聾目不別五色之章為昧心不

則德義之經為頑口不道忠信之言為嚚狄皆則之

四姦具矣周之有懿德也猶曰莫如兄弟故封建之

當周公時故言周之有懿德其懷柔天下

也猶懼有外侮扞禦侮者莫如親親故以親屏周召

穆公亦云周公作詩召公歌之故言亦云今周德

既衰於是乎又渝周召以從諸姦無乃不可乎

周召親兄弟之道

○渝羊朱反變也

民未忘禍王又興之

○

前有子頹之亂中有叔帶召狄故曰民未忘禍

○頹徒回

反其若文武何

○言將廢文武之功業王弗聽使頹

叔桃子出狄師

○二子周大夫

○桃如字本或作姚亦官音桃

○夏

狄伐鄭取櫟王德狄人

○玉德狄人○正義曰荷其恩者謂之為德古人有此

也語將以其女為后富辰諫曰不可臣聞之曰報者倦

矣施者未厭

○施功勞也有勞則望報過甚

○櫟音狄反施

如字註同厭於豔反又於鹽反

狄固貪憚

○狄固貪憚○正義曰方言云殺人取財曰憚

王又啓之女德無極婦怨無終

○婦女之志近之則

不知止足遠之則忿怨無已終猶已也。○憚力南反方言云殺人

而取其財曰憚近附近之近遠于其反狄必為患王又弗聽初甘昭公

有寵於惠后甘昭公王子帶也食邑於甘河南縣

西南有甘水惠后將立之未及而卒昭公奔齊奔

齊在十二年王復之在二十二年又通于隗氏

隗氏王所立狄后王替隗氏替廢也顛叔○替他計反

桃子曰我實使狄狄其怨我遂奉大叔以狄師攻王

王御士將禦之周禮王之御士十二人

正義曰周禮無御士之官唯夏官太僕之屬有御僕卜士十有二人掌王之燕令鄭玄云燕居時之令

以親近王故
欲為王禦寇

王曰先后其謂我何

圖

先后惠后也誅

大叔恐違先后志寧使諸侯圖之王遂出及坎飲國

人納之

圖坎飲周地在河南鞏縣東

○坎苦感反飲大感反鞏九勇

反秋頹叔桃子奉大叔以狄師伐周大敗周師獲周

公忌父原伯毛伯富辰

圖

原毛皆采邑

義曰此原伯毛伯蓋是文王之原毛之後世為王臣仍為伯爵或本封絕滅食采畿內故云皆采邑也

王出適鄭處於汜

圖

鄭南汜也在襄城縣南

○汜音凡後皆同

圖

鄭南至縣南○正義曰南汜是襄城縣南則鄭之西南之竟南近於楚西近於周故王處於

汜及楚伐鄭師于汜皆以為南汜其東汜在中牟縣南去鄭城既近三十年秦晉圍鄭秦軍汜南故為東

汎各隨其所近而言也

大叔以隗氏居于溫○鄭子華之弟子

臧出奔宋

國

十六年殺子華故好聚鵠冠

國

鵠鳥名

聚鵠羽以為冠非法之服

尹橘反翠鳥也

國

鵠鳥

正義曰釋鳥云翠鵠李巡曰鵠一名為翠其羽可為飾樊光云青羽出交州郭璞云似燕組色生鬱

林說文云翠青羽雀也案漢書尉佗獻文帝翠鳥毛然則鵠羽可以飾器物聚此鵠羽以為冠也鄭

伯聞而惡之

國

惡其服非法

國

使盜誘之八月

盜殺之于陳宋之間君子曰服之不衷身之災也

國

衷猶適也

○秉音忠一音丁仲反註同

詩曰彼已之子不稱其服

國

詩曹風刺小人在位言彼人之德不稱其服

○已音記

稱尺證反註及子臧之服不稱也夫詩曰自詒伊感

其子臧之謂矣詩小雅詒遺也感憂也取其自遺

憂○之服一本作之及夫音扶治以支反遺唯季反下同夏書曰地平天成稱

也夏書逸書地平其化天成其施上下相稱為宜

○夏戶雅反後夏書皆放此施茹豉反

傳通以茲篇為夏書彼孔安國云水土治曰平五行序曰成水土既治是地平其化五行既序是天成其

施杜雖不見孔傳於義亦不相違也○宋及楚平宋成公如楚還入於

鄭鄭伯將享之間禮於皇武子皇武子鄭卿對曰

宋先代之後也於周為客天子有事膳焉有事祭

宗廟也。膳，祭肉。尊之，故賜以祭胙。

○膳，符袁反。周禮又作燔，字音義皆同。

同。有喪，拜焉。○宋弔，周喪王特拜謝之。

○正謝之。○宋弔至

義曰：禮弔喪之法，皆主人拜其弔者，謝其勤勞。弔者不答拜，以其為事而來，不自同於賓客。此皆據弔及

主人敵禮以上。若其臣下來弔，則主人不拜。宋是先代之後，王以敵禮待之，故拜其來弔。其餘諸侯則否。

豐厚可也。鄭伯從之。享，宋公有加禮也。○禮物事事

加厚善。鄭能尊先代。○享，宋公有加絕句禮也。○冬一本無也。字讀則總為句。

王使來告難，曰：不穀不德，得罪于母弟之寵子帶。鄙

在鄭地汜。○鄙，野也。○難，乃且反。下同。敢告叔父。○天子謂

同姓諸侯曰：叔父，臧文仲對曰：天子蒙塵于外，敢不

同姓諸侯曰：叔父，臧文仲對曰：天子蒙塵于外，敢不

奔問官守官守王之羣臣王使簡師

父告于晉使左鄰父告于秦二子周大夫叔

天子無出書曰天王出居于鄭辟母弟之難也

帶襄王同母弟天子凶服降名禮也凶服素服降

名稱不穀○鄭伯與孔將鉏石甲父侯宣多省視官

具于汜三子鄭大夫省官司具器用省

官具正義曰鄭伯與三大夫每自親自省視當而

後聽其私政禮也得先君後已之禮○衛

人將伐邢禮至曰不得其守國不可得也禮至衛

大夫守謂邢政卿國子我請昆弟仕焉乃往得仕
 爲明年滅邢傳

諸
 燈
 圖
 書
 ZHUJI LIBRARY



諸暨圖書館
— ZHUJI LIBRARY —



諸暨圖書館
— ZHUJI LIBRARY —